

ସୁଦେବ ଶୈଳାଞ୍ଜ

ধূপের ধোয়া

(নাটিকা)

সত্যেন্দ্রনাথ দত্ত

২

আর্য্য সাহিত্য ভবন
কলেজ ষ্ট্রীট মার্কেট, কলিকাতা
১৩৩৬

প্রকাশক
শ্রীবারিদকান্তি বসু

প্রথম সংস্করণ
শ্রাবণ, ১৩৩৬

দ্বাম পাঁচ সিকে]

প্রিন্টার—শ্রীশান্তকুমার চট্টোপাধ্যায়
বাণী প্রেস
৩৩এ মদন মিত্র লেন, কলিকাতা

নাট্যোক্ত চরিত্র

সীতা

উন্মিলা

মাণ্ডবী

শ্রুতকীর্তি

—অযোধ্যার রাজবধু

কুরঙ্গিকা

বিহঙ্গিকা

চঞ্চরীকা

নকুলিকা

—রাজবধূদের প্রধান প্রধান সহচরী

তন্দ্রাবুড়ী

(ওরফে চন্দ্রাবলী)

—সুমিত্রার দাসী

বেত্রবতী

—প্রতিহারিণী

মালিনী, শবরী, ভাগমতী, যবনী শাস্ত্রী ।

তরঙ্গিকা
নিপুণিকা
বল্লরীকা

পতঙ্গিকা
সুপর্ণিকা
কপোতিকা
সাগরিকা
আরাত্রিকা
মদনিকা

—পুরবাসিনী তরুণী

দাসী, মালী, চামরধারিণী, করঙ্কবাহিনী, সখীর দল,
বধূনাট্যের দল, যবনীর দল ।

এই নাটিকায় রাজবধূদের মাথায় স্বস্তি-মুকুট ;
পরনে তিল-ফুল বুটিদার ও ভোমরা বুটিদার ও
ভাণ্ডীর বুটিদার জরির তেরুছা ডুরে । কাণে কর্ণিকা ;
হাতে ‘যবাকুরী’ নামক উৎসর্গী কঙ্কন ; গলায় মুক্তার
শতাবলী হার ; কোমরে কাঞ্চী ; পায়ে ‘ভ্রমরী’ নূপুর ।

প্রধান সহচরীদের মাথায় মুক্তার সীমন্তিকা ;
পরনে জরির তেরুছা ডুরে, বুটি নাই । কাণে ‘তাল-
পত্রী’ ; হাতে তালী কঙ্কন ; পায়ে ‘গুঞ্জরী’ নূপুর ।

তরুণীদের মাথায় মুক্তার একাবলী ; পরণে
বাসন্তী রঙের শাড়ী । কাণে চাঁপা ; হাতে গুঞ্জাবলী
কঙ্কণ ; পায়ে নূপুর ; গায়ে ফুলের গহনা ।

বধূনাট্যের কারো মাথায় চাঁপাই-চূড়ো, কারো
জোড়-চামর-খোঁপা, কারো ত্রিধন্বিল্ল, কারো চতুঃশৃঙ্গ,
কারো পঞ্চফণা ।

বেশ্রবতী ও যবনীদের গায়ে কঙ্কুক ; কাণে কুণ্ডল ।



ধূপের ধোঁয়ায়

প্রথম অঙ্ক

প্রথম দৃশ্য

[অযোধ্যার রাজপ্রাসাদ, শ্রুতকীর্তির আরাম-ঘর। হাতীর দাঁতের পালঙ্কে অর্দ্ধশয়ান মুক্তকেশী শ্রুতকীর্তি; প্রধান সহচরী নকুলিকা তাঁর মুক্তকেশে ধূপের ধোঁয়া দিচ্ছে। সখীর দল ইতস্তত ছড়িয়ে আছে; এদের কারো হাতে চামর, কারো হাতে পদ্মপাতা; কারো বা ধূপদানী, আবার কারো বা মৃণালের মালা।]

সখীর দল ॥ (গাইছে)

গায়ে সই সইবে না রোদ

শুকিয়ে নে চুল ধূপদানীতে !

ধূপের ধোঁয়ায়

জোছনা নিছিয়ে-নেওয়া

নিছনি তোর মুখখানিতে !

ছপুরে দারুণ রোদে

সারীশুক নয়ন মোদে,

হরিণী হারায় দিশা

মরীচিকার হাত-ছানিতে !

ঝাঁঝি সব ঝাঁঝিয়ে গেছে

সায়রে জলের মাঝে,

ঝাঁঝা রোদ মাথার 'পরে

মগজে ঝাঁঝর বাজে !

ধেয়ে যায় হলুকা হাওয়া

হ'ল দায় আরাম পাওয়া

বসুধার বুকের স্রুধা

ফুরায় রোদের বালাই নিতে !

পলাশের চক্ষু রাঙা

ভ্রমরী ভিশ্বি গেছে,

ছনিয়ার শুকুনো পাতায়

খামোকাই ঘুর লেগেছে !

ধূপের ধোঁয়ায়

সারঙের সুর নেমে যায়,
পাপিয়ার তান গেমে যায়,
আকাশের শান্ ঘেমে যায়
চাতক পংখীর কাৎরানিতে !

উশীরের গুচ্ছ কোথা ?
মৃণালের কইরে মালা ?
ঘিরে দে পদ্মপাতায়,—
বাতাসে বিষের জ্বালা ।
দিনে রাত ঘনিয়ে আনো,—
ঘরে আজ চুল শুকানো,—
চামরে ঢুলিয়ে নয়ন
ধূপের ধোঁয়ার আমদানীতে ॥

শ্রুতকীর্তি ॥ (চোখ রগড়াতে রগড়াতে) তোর ধূপদানী সরিয়ে-নে,
নকুলিকা,.....কত ধোঁয়া কল্লি ছাখ্ দেখি, মাথা ধরে
গেল ।

নকুলিকা ॥ চুল কিন্তু ভিজে রয়েছে.....

শ্রুতকীর্তি ॥ তা' থাক্, তুই ধূপদানী সরিয়ে-নে,.....ধোঁয়া
ক'রেছে ছাখনা, বেন গোয়াল-ঘরে মাজাল দিয়েছে ।

ধূপের ধোঁয়ায়

নকুলিকা ॥ সাঁজ না হ'তেই সাঁজাল,.....কহর হয়েছে !

শ্রুতকীর্তি ॥ ঠাখ্ নকুলিকা ! . . .

নকুলিকা ॥ এরা সব যে হকা-হুয়ার দোহারকী সুর ক'রেছে...

...আমি বলি সন্কোই বা হ'ল,অযোধ্যায় আজকাল

দিন-দুপুরে শেয়াল-রাগিনী শোনা যাচ্ছে !... ..সম্রাট বশিষ্ঠা-

শ্রমে গিয়ে অবধি এমনি অরাজকই হয়েছে বটে !

শ্রুতকীর্তি ॥ নকুলিকা !সব সময়ে নকল ভালো লাগে না ।

নকুলিকা ॥ আসল মানুষকে ডাকব নাকি ?

শ্রুতকীর্তি ॥ আবার !.....

নকুলিকা ॥ আবার কই ?..... এই তো প্রথম বার ।.....না, না,

খুড়ি, ভুল হয়েছে.....দ্বিতীয় বার । তা' আমার উপর

চোখ পাকালে কি হবে ? আমি আর কি কব্ব বল ?

দুপুর রোদ্দুরে, তিন দেউড়ী পার হ'য়ে, চিঠি নিয়ে

দোড়-পাড়াপাড়ি কল্পম,—তোমার তাঁকে বল্লম,—চিঠি

জরুরি, জবাব চাই । তিনি তখন নিজের তৈরী শত্রুঞ্জয়

খেলার ছক পেতে বসেছেন,—খেলাতেই মত্ত, ঘাড় না

তুলেই বলা হ'ল, 'তুমি যখন পত্রবাহক তখন চিঠি যে

জরুরি-ই, তা বুঝতে পেরেছি ; কিন্তু জবাব'—এই পর্য্যন্ত

ব'লেই ভুরু কঁচকে বাতাসের গায়ে আল্পনা দিতে লাগলেন ।

আমি গ্রহর খানেক দাঁড়িয়ে দাঁড়িয়ে চ'লে এলুম ।

শ্রুতকীর্তি ॥ উঃ পুরুষ নাহুয কি হৃদয়হীন !—কি স্বার্থপর ! খেলার

ধূপের ধোঁয়ায়

মন্ত—চিঠির জবাব দেবার অবসর নেই!—একটু দায়িত্ব-জ্ঞানও কি নেই? সত্ৰাট নগরের বাইরে, ধূমকেতুর দোষদৃষ্টি কাটাবার জন্তে কুলগুরু'র আশ্রমে স্বস্তায়নে ব্যস্ত,—এদিকে এঁরা চার ভায়ে পাঁচ-পরের ভরসায় দুর্গ ছেড়ে কোথায়, যে চলেছেন, তা তাঁরাই জানেন, আর ধর্ম্মই জানেন।

নকুলিকা॥ (ছোটো গলায়) মন্দ কি? নতুনতর বন্দোবস্ত, রাজা অমঙ্গলকে রাজ্য থেকে তাড়াবার চেষ্টা করছেন!—রাজপুত্রুরা তাকে নেমন্তন্ন ক'রে ডেকে আনছেন! অমঙ্গল-বেচারারই মুক্তি! কার কথা রাখে বল দেখি!

শ্রুতকীর্ত্তি॥ সঙ্গে নিয়ে যেতে বল্লম, তা' তো হ'লই না; এমন কি কোথায় যে যাওয়া হচ্ছে তা'ও বলা হ'ল না; লুকোনো হ'ল।

নকুলিকা॥ কোথাও লড়াই বাধ্লে না তো?

শ্রুতকীর্ত্তি॥ উহঁ, লড়াই বাধ্লে সে কথা চাপা থাকত না,—চারদিকে সাজ-সাজ প'ড়ে যেত।

নকুলিকা॥ তবে? যুগয়া?

শ্রুতকীর্ত্তি॥ উহঁ, সে কথা ঢেকে রাখত না.....

নকুলিকা॥ তবে? আবার বিয়ে নাকি?

শ্রুতকীর্ত্তি॥ বিচিত্র কি?

নকুলিকা॥ চার ভায়ের এক সঙ্গে?

শ্রুতকীর্ত্তি॥ হ'তে পারে,—আমাদের বেলা কি হয়েছিল?

বৃপের ধোঁয়ায়

নকুলিকা ॥ না, না, তা'ও কখনো হয়, এত প্রণয় ।

শ্রুতকীর্তি ॥ খুব হয় নকুলিকা, তুই পুরুষ মানুষকে চিনিস-নি,
ওরা সাপের সঙ্গেও ভাব রাখে, আবার ব্যাঙের সঙ্গেও
ভাব রাখে । তলারও কুড়োয়, গাছেরও পাড়ে ।

নকুলিকা ॥ আমার তো তা মনে হয় না ।

শ্রুতকীর্তি ॥ আচ্ছা তোর কি মনে হয় ঠিক কোরে বল দেখি ।

নকুলিকা ॥ আমার মনে হয় পুরুষ মানুষের মন গানের কলির
মতন, কখনো ফাঁকের দিকে গড়ায়, কখনো বা সমের দিকে
ঝোঁকে । ভয়ের কোনো কারণ নেই,.....ফাঁকের পর
থেকে দ্বিগুণ ঝোঁকে সমের বরেই ফিরে আসবে ।.....পুরুষ
মানুষ.....একটু ফাঁকা ভালোবাসে,.....মাঝে মাঝে একটু
ফাঁকে না যেতে পেলে হাঁপিয়ে ওঠে । ওরা পাখীর জাত...
...হক-না-হক উড়ে বেড়াতে ভালোবাসে ।

শ্রুতকীর্তি ॥ হঁ, পুরুষ মানুষ পাখীর জাত, ওদের সব কুর্ভির
প্রাণ ; আর মেয়েমানুষ কুনো বেড়াল, কোণ থেকে নড়তে
নেই । (পরিক্রমণ)

নকুলিকা ॥ (ছোট গলায়) না, মাথা বিগড়েছে দেখছি, গোড়ে
গোড় দিয়ে দেখা যাক ।

শ্রুতকীর্তি ॥ আমাদের যেন প্রাণ হাঁপায় না, আমাদের ফাঁকায়
যাবার দরকার হয় না, যত জোয়ার-ভাঁটা ওঁদের প্রাণে ;
আমাদের একটানা গঙ্গা, কেবল বর আর বর ।

ধূপের ধোঁয়ায়

নকুলিকা ॥ যা বলেছ আমাদের খালি আরস্থলা, টিকটিকি আর
মাকোষার সঙ্গে গা-ঘেঁসাঘেসি কোরে ঐ ঘর কামড়েই
থাকতে হয়। ...

শ্রুতকীৰ্ত্তি ॥ আমোদ নেই, আহ্লাদ নেই.....

নকুলিকা ॥ ফুৰ্ত্তি নেই.....

শ্রুতকীৰ্ত্তি ॥ ফুৰ্ত্তি শুধু ওঁদের,—

নকুলিকা ॥ আর আমরা কেবল ছার পোকের মতন বাড়ী কামড়ে
প'ড়ে থাকতে জন্মেছি।

(গান)

নকুলিকা ॥ তফাৎ করিয়া খাসা ওঁরা দূরে চ'লে যান,

সখীর দল ॥ আমরা বসিয়া থাকি আলতো !

নকুলিকা ॥ ছুনিয়াতে ওঁদেরি যা ফুৰ্ত্তির প্রাণ, সই,

আমরা এসেছি ভেসে, ফালতো !

সখীর দল ॥ মিছাই পরেছি পায়ে আলতো,

নকুলিকা ॥ মিছাই রেঁধেছি গুড় ঢালতো !

সখীর দল ॥ নালতো ভিজায়ে রাতে,

মিছে ছেঁকে দিই প্রাতে,

নকুলিকা ॥ পৌঁছে নাকো তবু আজ কাল তো।

সখীর দল ॥ ওঁরা সব মৰ্দ—ফুৰ্ত্তির ফৰ্দ লস্বা,

নকুলিকা ॥ আমাদের বেলা শুধু রস্তা।

ধূপের ধোঁয়ায়

সখীর দল ॥

অথচ না হ'লে নারী

দিন চলা হ'ত ভারি,

নকুলিকা ॥

হেঁশোলেতে কে উম্মুন্ জ্বালতো ?

সখীর দল ॥

অবলা বলিয়া সই সইরে,

এত অপমান জ্বালা সইরে !

নকুলিকা ॥

নাহি বাঁচি নাহি মরি,

জাঁকড়ে জীবন ধরি,

কি হবে উপায় হয় বল্ তা,

সখীর দল ॥

সাথে যেতে কর যদি বায়না,

আরজিটা কাণে পৌঁছায় না,

ভালোবাসা ছিল মিঠে

গোড়াতে পায়েস পিঠে,

নকুলিকা ॥

শেষে কিনা আথুথুথু ! পল্তা !

সখীর দল ॥

আরসুলা-টিক্‌টিকি রঙ্গে,

কোণ নিয়ে থাকো নারী সঙ্গে,

অশ্বমেধের ঘোড়া

বাইরে ফেরেন ওঁরা,

নকুলিকা ॥

হাঁওড়ে না মেলে হালচাল্ তো !

সখীর দল ॥ চ'লে যায় পায় পায় পায় রে !

হায় সখী হায় হায় হায় রে !

অবাক্ নয়নে চাই,

ছায়া কায়া ঠাঁই ঠাঁই,

(যেন) খ'সে পড়ে নারকেল-বাল্তো !

শ্রুতকীর্তি ॥ নাঃ, কিছুই ভালো লাগছে না।.....নকুলিকা, পান্ধী

তৈরী করতে বল্.....দিদির মহলে যাব।

নকুলিকা ॥ রোসো, রোসো, মেলাই পায়ের শব্দ পাচ্ছি,.....

কারা আসছে !.....(এগিয়ে)আর পান্ধী ব'লে কি

হবে ? তিনি নিজেই আসছেন।

[সীতা, উন্মীলা ও মাণ্ডবীর প্রবেশ]

শ্রুতকীর্তি ॥ বা !.....দিদি !.....তুমিতোমরা !.....এস,

এস,বেশ !এই আমি তোমাদের কাছেই

যাচ্ছিলুম।

সীতা ॥ কেন, শ্রুতি, মন ট'কছে না বুঝি ?.....এরি মধ্যে ঘর

ফাঁকা ঠেকছে ?তুই হাসালি বোন, এখনো যে ওরা

ভূর্গের বাইরেও যায়-নি।

শ্রুতকীর্তি ॥ না দিদি ঠিক তা নয়.....

সীতা ॥ তবে ?

শ্রুতকীর্তি ॥ তোমার সঙ্গে একটা পরামর্শো আছে,.....আচ্ছা,

ধূপের ধোঁয়ায়

দিনে দিনে এ সব কি বউছে ?... এগুলো কি সব উচিত

হচ্ছে ?

সীতা ॥ কী গুলো ?

শ্রুতকীর্তি ॥ এইযে আমাদের কাছে লুকিয়ে কোথায় সব যাওয়া
হচ্ছে.....

সীতা ॥ তা' গেলই বা... ঘুরে আসুক, চার ভাইয়ে তো প্রায়
একটাই হবার স্মরণ হয় না,.....আশ মিটিয়ে বেড়িয়ে
নিক,.....আমরাও চার বোনে মনের আশ মিটিয়ে গল্পগুজব
ক'রে নিই, কবে আবার নন্দীগ্রামে চ'লে যাবি।.....আবার
কবে দ্বাপা শুনো হবে তার ঠিক কি ? যে ক'দিন আছি
সে কটাদিন চার বোনে মিলে আয়োধ্যাকে মিথিলা ক'রে
তোলা যাবে, কি বলিস্ ?

(শ্রুতকীর্তি নিরন্তর)

চুপ ক'রে রইলি যে?.....ওদের ভায়ে ভায়ে ভাব,
আর আমাদের বোনে বোনে বুঝি আড়ি ?

শ্রুতকীর্তি ॥ না দিদি আমার এ লুকোচুরি ভালো ঠেকছে না,...
...দশবছর হোলো বিয়ে হয়েছে, এমন ভাব তো কখনো
দেখিনি, আগে তো এ রকম ছিল না ।

মাণ্ডবী ॥ ধূমকেতু লো ধূমকেতু, এ-সব ধূমকেতু ওঠার ফল,—এই
মধুমাসে অসহ গ্রীষ্ম,.....

উন্মিলা ॥ আর এই মধুর দাম্পত্য জীবনে তার চেয়েও অসহ্য
সংশয়ের গুমোট.....

মাণ্ডবী ॥ ‘রাহো গোমেদকং ধার্ষ্যং কেতো মরকতং তথা’.....
শ্রুতি, ভালো চাস্ তো একটা মরকত-মণি ধারণ কর ,
ও কেতুও যে ধূমকেতুও সে ।

উন্মিলা ॥ অশ্বগন্ধার মূল ধারণ করলেও হয়, আস্তাবলের বাগান
থেকে আনিয়ে-নে না ।

মাণ্ডবী ॥ আস্তাবলের বাগান কেন ?

উন্মিলা । আস্তাবল নইলে অশ্বগন্ধা পাবে কোথায় ?

সীতা ॥ ক্ষাপাকে আর ক্ষাপাস্-নি বোন, ক্ষমা দে ।

শ্রুতকীর্তি ॥ না দিদি ক্ষাপা নয়,আমি স্পষ্ট কথা চাই,.....
সঙ্গে নিয়ে না যায় বেশ, নিয়ে যেতে হবে না,.....চাই-নি
যেতে ; কিন্তু, কোথায় যাওয়া হবে, তা’ বলবে না কেন ?

সীতা ॥ তুই কি সন্দেহ করিস্, শ্রুতি ?.....আমি করিনি,.....
করলে বাঁচতুম না ।

শ্রুতকীর্তি ॥ না, ঠিক সন্দেহ নয় ।.....তবে কি জানো,.....
এ কি-রকম জানো,.....এ যেন নিজের অধিকার থেকে
বঞ্চিত হওয়া ।.....আচ্ছা, ব’লে গেলে কি হয় ?.....
আমরা কি যাওয়া কেড়ে নেব ?

সীতা ॥ রাজবংশের মেয়ে হ’য়ে তুই এই কথাটা বল্লি, শ্রুতি ?...
জানিস্-নে ?.....রাজবংশে যাদের জন্ম তাদের কত বিষয়ে

ধূপের ধোঁয়ায়

সাবধান হয়ে চলতে হয়?.....দুদিন পরে রাজ্যের ভার
যাদের মাথায় নিতে হবে, মন্ত্র-গুপ্তি তাদের সাধনার সামগ্রী
.....সব কথা জানিয়েই যে যেতে হবে তার কি মানে
আছে?

শ্রুতকীর্তি ॥ আমি অতশত বুঝতে চাইনে,... . স্ত্রী তো স্বামীর
ছায়া,.....হাঁ কি না, স্ত্রী সর্বদা ছায়ার মতন স্বামীর
অনুগামিনী হবে, আমাদের সে অধিকার থেকে বঞ্চিত করা
হচ্ছে কেন?.....তুমিই বলো,.....হয় বল শাস্ত্রের এ কথা
ভুলো, নয় তো.....

নাগুবী ॥ নয় তো, আর কি? চল, সবাই মিলে ওদের রথের
অনুগমন করি অর্থাৎ কি না পিছন পিছন ধাওয়া করি.....

উন্মীলা ॥ যদি ওরা ঘোড়ায় চড়ে যাত্রা করে?

নাগুবী ॥ তবে ঘোড়ার ল্যাজ ধরে সটান বুলে পড়ি,.....অনুগমন
তো করতে হবে!.....

শ্রুতকীর্তি ॥ যাও:,.....আমি সে কথা বলছি-নে।

সীতা ॥ তবে?

শ্রুতকীর্তি ॥ কোথায় যাওয়া হচ্ছে, অন্তত, সেইটে জানতে হবে,...

সীতা ॥ কি ক'রে?

শ্রুতকীর্তি ॥ ফের চিঠি লিখে।

সীতা ॥ বেশ, লেখো।

শ্রুতকীর্তি ॥ সবাই মিলে, ... চার বোনে।

সীতা ॥ আমরা কীত কোতুল নেই, তোমরা লেখো ।.....

শ্রীকৃষ্ণ ॥ দিদি না লিখলে আমিও লিখব না ।

মাগুণ্ডী ॥ আমিও না ।

শ্রীকৃষ্ণ ॥ এই কথা, দিদি, তুমি না লিখলে কিছু হবে না ;....

...নারীর স্বাধীন অধিকার দাবী করবার লোকের অভাবে

মাঠে মারা যাবে !

সীতা ॥ তুই জালালিকি লিখতে হবে, শুনি ?

শ্রীকৃষ্ণ ॥ লিখে দাও না বা' ভাল হয়, তুমি তো বেশ শুছিয়ে

লিখতে পারো, লিখে দাও না দু'কলম ।

সীতা ॥ না, না, তই বল ।

শ্রীকৃষ্ণ ॥ এইএকথা.....সঙ্গে নিয়ে যাওয়া হ'ল না,...

...কে যার যাওয়া হচ্ছে তা'ও বলা হ'ল না । অতএব.....

॥ অতএব.....

তোমাদের সঙ্গে আছি !

আমরা রইলুম বাড়ি !

আমরা রাধু,

আমরা বাড়ু,

আমরা পাব পায়ের ।

শ্রীকৃষ্ণ

চোদ্দ ঘণ্টা

ঘুমিয়ে কন্সব আয়েস !

শ্রীকৃষ্ণ ॥ তোমাদের দিয়ে কোনো কাজ হবে না, তোমরা

যদিও এই শিখেছ । আমি চল্লম আর্থ্যা সুমিত্রার কাছে ।

ধূপের ধোয়ায়

ীতা ॥ না, না, তাঁকে আর জ্বালাস্-নে । আমার মনুলে চন্দ্র
সেইখানে গিয়ে চিঠি চাপাটি যা মন চায় তাই হবে ।
মাণ্ডবী ও উশ্মিলা ॥ আমি চাপাটি চাই,..... চিঠি চাই-নে,....
আমি চাপাটির দলে ।

[সকলের প্রস্থান]

দ্বিতীয় দৃশ্য

[মেয়ে-মহলের দেউড়া ; চন্দন কাঠের প্রকাণ্ড কটক ভেলবনা
রয়েছে, ফটকের গায়ে নজ্জার সূষ্যমুখী ফুলগুলির ঠিক মাঝে মাঝে
মানানসই লোহার গুলো ; কাটা দরজাটা ঈষৎ খোলা ; বেড়
হাতে বেত্রবন্তী পায়চারি করছে ।]

বেত্রবন্তী ॥ (থস্‌থসের চোকো পাখার বাতাস খেতে খেতে)

দেড় ঘটি আঁব-পোড়ার সরবৎ, আড়াই ঘটি মিছরি পানা,
আর ঘড়াটাক সরষুর জল !... .. উদরটা ফুল কি হবে
ঠেকে উবে গেল, তা' ঠিক ধরতে পারলুম না... .. কট
ক'রে মুখে ঢাল্লুম এইটুকুই মনে আছে, আর
মনে আছে ঢক্-ঢক্ বক্-বক্ শব্দ !... .. উঃ আঃ

• বিধাতা-পুরুষ পবন দেবকে বরখাস্ত কোরে তাঁনি স্বাস্থ্য

ধূপের ধোঁয়ায়

অগ্নিদেবকে বাহাল করলেন নাকি !.....বসন্তোৎসবের
আগেই এমন ছরন্ত গরম তো জন্মে কখনো দেখি-নি ?
.....যে দিন থেকে ঝাঁটা-কাঁটা ধূমকেতুটা উঠেছে সেইদিন
থেকেই এই অগ্নিবৃষ্টি শুরু হয়েছে !.....সুখি গ'লে আগুনের
পানা তৈরী হচ্ছে, উঃ আগুন !

(হাতে চোখ ঢেকে উপবেশন ও তন্দ্রাবেশ)

নেপথ্যে ॥ হা-আ,.....বেস্তোতলায় আগুন লেগেছে !.....পায়ের
তেলোয় ফোঁকা !.....ম'রে গেলুম মা,.....সারা হ'রে গেলুম !

[কাটা দরজার ভিতর দিয়ে শুঁড়ি মেরে তন্দ্রাবুড়ির প্রবেশ]

তন্দ্রাবুড়ী ॥ আ-আঃ, ঠাইটে বেশ ঠাণ্ডা রে, অন্ধকার কিনা,
শ্যাতা,.....একটু জিরিয়ে নিই মা, জুড়িয়ে নিই,.....
আহা-হা-হা কাকাল.....দরদ.....(বেত্রবতীর স্বক্কে
উপবেশন)

বেত্রবতী ॥ (চম্কে উঠে) কি এ ?.....অ্যা.....কে এ ?.....

রাম, রাম, নেবে বস না,.....ঘাড়ের উপর বসবার জায়গা ?

তন্দ্রাবুড়ী ॥ অ !—মা অন্ধকারে দেখতে পাইনি,—আমি বলি
মোড়াটা !.....কে ? অ !—মা ! বেতন্ত দিদি !

বেত্রবতী ॥ আর বেতন্ত দিদি,.....ছরন্ত গরমের চোটে নিতান্ত
কাহিল অবস্থায় এক পাশে প'ড়ে আছি আয় !.....বলি
যাওয়া হয়েছিল কোথা ?

ধূপের ধোঁয়ায়

তন্দ্রাবুড়ী ॥ আর কোথা ?.....ঐ নক্খনের হোতায় ;থেয়ে
উঠে সবে পানটি মুখে দিইছি,সুমিত্তিরে রাণীর হকুম
হ'ল ...বা' রাম-নক্খনকে নিম্মালি দিয়ে আয়, দিয়ে
এলুম,.....যাত্রা ক'রে বেরিয়েছে, আর তো ঘর ঢুকবে না,
দিয়ে এলুম,.....এসে সবে গা গড়াবার গোছ করিছি
আবার ডাক পড়ল.....কি সমাচার ? না, হাঁতির দাঁতের
গাছ-কোটোর ভূজিপাতার লেখন আছে,..... বা', রাম-
নক্খনকে দিয়ে আয়,.....পঞ্চাশটে দাসী রয়েছে,.....
তা' আর কাউকে দিয়ে বিশ্বাস হবে না,.....আমাকেই
নিয়ে যেতে হবে,.....তা কি কস্ব ?রাজার রাণী...
...মুখ ফুটে বললে,.....ঠেলতে পারিনে ।.....কোটো বার
করলুম,.....খুলে দেখি অ-মা ছুথানা লেখন,.....কোন-
খানা নিই—কোনখানা থুই, বিষম ফাপর, সুধুতে
গেলুম,.....তা' রাণী তখন পূজোয় ব'সেছে,কারে
সুধুই কি করি ?তা কোটোসুন্ধাই নিয়ে গেলুম ।

বেত্রবতী ॥ তা বেশ ক'রেছ.....বুদ্ধির কাজই ক'রেছ ।

তন্দ্রাবুড়ী ॥ তা' আর বলতে ! নইলে কি আবার টানা-পোড়েন
করব নাকি.....সাতমহল মাড়িয়ে ?.....এই রোদ্দুরে ?

বেত্রবতী ॥ তা বই কি, তাতে এই বুড়ো বয়স.....

তন্দ্রাবুড়ী ॥ (গলা খাঁকার দিয়ে) না বেতস্ত দিদি, আমি বুড়ো
হইনি, আমায় রোগে ক'রেছে । তা' বা' বলছিলাম,

ধূপের ধোঁয়ায়

.....তেতেপুড়ে কোটোমুদ্র নকখনকে তো দিলুম,.....
সে আবার কোটো খুঁলে হুঁথানা চিঠিই রামকে দিলে
হুজনে বিড়বিড় ক'রে পড়লে.....তারপর কি বলাবলি
করলে, ক'রে ট'রে অ-মা ! শেষে আমার উপর তম্বি ! তা'
বাছা তম্বি করলে কি হবে ?.....বলে—

কোন্ হাঁড়ির কি বৃত্তান্ত ।

আমি কি জানি তপ্ত পান্ত ।

তা' যা' বলছিলুম, মুখখানা হাঁড়িপানা ক'রে, একখান লেখন
কোটোর ভ'রে নকখন কোটোটা ফেরৎ পাঠালে,.....
তাই নিয়ে যাচ্ছি ।

বেত্রবতী ॥ তা নিয়ে যাবে বইকি,.....নিয়ে যাবে না তো কি ফেলে
দেবে,.....গরীব লোক, গায়ের রাগ গায়েই মাঝতে হবে ।

তন্দ্রাবুড়ী ॥ ঐ গায়ের রাগ গায়ে মেরেই তো চুলগুলো সব অসময়ে
শোণের ছড়ি হ'য়ে গেল,তা যা বলছিলুম মা,
দোষ কল্পে স্মৃতিস্তিরে রাণী, আমি খেলুম চোখ-রাঙানি ।
.....তোমরা রাজার রাণী রাজার কি লেখাপড়া জানো,
লেখন চিনে আমার হাতে হাতে বুকিয়ে দিয়ে পূজায়
বসলেই তো হ'ত,অ'্যা.....আবার তাও বলি বাছা,
.....স্মৃতিস্তিরেরই বা অপরাধ কি ?.....ওর কি আর
মাথার ঠিক আছে না মনের ঠিক আছে ?.....রাজা
গেলেন দেশ ভের্মনে,গেলেন কে না পাটরাণী

ধূপের ধোঁয়ায়

কৌশল্যে,তা যা পাটরাণী, যাবে না, যাক্ ।.....
আর গেলেন কে না নাটের রাণী কেকই, নইলে যে তিনি
গৌসা ঘরে ঢুকবেন ।.....তিন রাণীর মধ্যে দুজন গেলেন
রাজার সঙ্গে,.....কেন আরেকজন কি যেতে জানেনা ?
.....সুমিভিরে নেহাৎ ভালোমানুষমুখ ফুটে কোনো
কিছুই বলেনা, তাই যত হেনস্তা তাকে ;.....সে একলাটি
প'ড়ে রইল ; নইলে বাড়ী আগ্লাবে কে ? বউদের সব
চরাবে কে ? ঘরে সন্ধ্যা দেবে কে ?.....বলি এতে কি
আর মানুষের মনের ঠিক থাকে ? রাজা আমাদের বুড়া
হ'তে বসেছেন, কিন্তু একচোখোমি ঘুচল না ।

বেত্রবতী ॥ রাজা-রাজড়ার কাণ্ড !.....আমাদের ও-সব কথায়
কাজ কি আয়ি ।

তন্দ্রাবুড়ী ॥ না, তাই বলছি,.....বলি নকখন আমার ওপর রাগ
করলে কিনা ।আমি ওরে কোলে পিঠে ক'রে মানুষ
ক'রেছি, ওর মা সুমিভিরে, তারে হ'তে দেখলুম,
.....মানুষ করলুম,আমার ওপর তম্বি করলে,
তা করুক !

বেত্রবতী ॥ তুমি রাগ করনি তো ?

তন্দ্রাবুড়ী ॥ তা কি পারি বেতস্ত্র দিদি ? ওদের অকল্যাণ হবে
যে ? সুমিভিরের ক্ষুদ্ কুঁড়ো নকখন, শিবরাভিরের সোলতে,
আঁধার ঘরের মানিক, ওদের ছাট্টে নিয়ে সুমিভিরে

ধূপের ধোঁয়ায়

সংসারী হয়েছে, ওদের ওপর আমি রাগ করব ? (গালে মুখে চড়াতে চড়াতে) আরে আমার কপাল ! আরে আমার কপাল !

বেত্রবতী ॥ না, না, আমিও তো তাই বলছিলাম, তুমি কি রাগতে

পার !.....বলি হ্যাঁ আয়ি, তোমার গাম্ছায় কি ?

তন্দ্রাবুড়ী ॥ অ-মা ! ও সেই কোটোটা আর কটা কাঁচা বেল,

.....বড় দেউড়ীর দারোয়ানেরা পাড়্ছিল কি না,

তাই.....চেয়ে আনলুম,.....কাঁচা বেল,.....পুড়িয়ে খাব ।

বেত্রবতী ॥ তা' বেশ ক'রেছ ; এখন আমাদের বেল-পোড়াই

আহার, আর তামাক-পোড়াই বাহার ।

তন্দ্রাবুড়ী ॥ (আপন মনে) দেখলুম ঠাউরে ঠাউরে গোটাকতক

বেল পেকেছে, তা'.....

[নকুলিকা ও কুরঙ্গিকার প্রবেশ]

নকুলিকা ॥ পেকেছে তো পেকেছে, বেল পাকলে কাগের কি ?

তন্দ্রাবুড়ী ॥ কে লা ?.....নকুলি বুঝি,তুই বড় নকুলে,

.....তা' হ্যাঁলা, আমি কি কাগ ?

নকুলিকা ॥ ষাট্ ! তুমি কাগ হ'তে যাবে কেন ? তুমি হ'চ্ছ

“কাগভূষণ্ডির কাকী, কাকাতুরা পাখী !”.....তন্দ্রা আয়ি,

কই, আজকে আমায় পান দিলে না ?

তন্দ্রাবুড়ী ॥ ওলো আমার নাম তন্দরা নয়, তন্দরা নয়, আমার নাম

চন্দরা, আকাশের চাঁদ.....বুঝেছিন্ ?

ধূপের ধোঁয়ায়

নকুলিকা ॥ তবে যে সবাই তন্দ্রাবুড়ী বলে ?

তন্দ্রাবুড়ী ॥ তা' বুঝি জানিস্-নে—

(স্বরে)

এই, বয়স যখন তিনকুড়ি সাত

ফোকলা দাঁতের কল্যাণে,

তখন, চন্দ্রাবলীই তন্দ্রাবুড়ী

নকুলিকা ॥ গঙ্গাপ্রাপ্তি সজ্ঞানে !

তন্দ্রাবুড়ী ॥ যখন, সদাই ঢোলে ছ'চক্ষু

নকুলিকা ॥ ভুঁয়ে, না গড়াতেই ঘড়ি ফুঃ !

তন্দ্রাবুড়ী ॥ তখন, নতুন নতুন আখ্যা নিতুই

নাংনী-নাতির ব্যাখ্যানে ।

নকুলিকা ॥ তা বাপু, নাংনী নাতির দোষ কি ?.....সব বয়সে

মানায়, সকল বয়সে মানে হয়, তাকেই তো বলি নাম ।

বাপ-মায়ে সে রকম নাম রাখে না কেন ? তা রাখা হয় না ;

নাম কি ? না কুসুমিকা, অরুণিকা, মদনমোহিনী ।

কুসুমিকা যখন বোঁটাসারিকা তখনো কুসুমিকা ! অরুণিকা

যখন আমসী-গালিকা তখনো অরুণিকা ! মদনমোহিনী

যখন যমদুতেরও মন মোহন করতে পারেন কিনা সন্দেহ,

তখনো নাম জিজ্ঞেস করলে বলতে বাধ্য হবেন সেই

মদনমোহিনী !

ধূপের ধোঁয়ায়

তন্দ্রাবুড়ী ॥ এত রঙ্গও জানিস্ তুই !

নকুলিকা ॥ রঙ্গ ?.....কই, ঠোঁটে একটুও রং নেই,তুমি
পান দিলে না, তন্দ্রাবুড়ী !

কুরঙ্গিকা ॥ খবরদার আয়ি ! ওকে দিয়ে না, তোমায় বুড়ী
বলেছে ।

নকুলিকা ॥ খুড়ি, তন্দ্রাবুড়ী নয়, তন্দ্রা আয়ি,না, না, চন্দ্রা
আয়ি,.....এইবার দাও ।

তন্দ্রাবুড়ী ॥ তুই সেই পানের গানটা বল, নইলে দেব না ।

নকুলিকা ॥ তুমি দাও আগে.....

তন্দ্রাবুড়ী ॥ তুমি গাও আগে.....

নকুলিকা ॥ (হাত পাতিয়া) আচ্ছা ডান হাত বাঁ হাত.....

কুরঙ্গিকা ॥ আচ্ছা, আমি মীমাংসা ক'রে দিচ্ছি ; তুমি তান ছাড়,
আর তুমি পান ছাড়, হাঁ !.....এইবার বিচারকের বেতন
.....হাঁ !

নকুলিকা ॥ (পানের খিলি হাতে নিয়ে)

(গান)

পাহাড়ে ছিল এলাচ, লঙ্গ পার-ঘাটে !

কুরঙ্গিকা ॥ লাল্চে রাঙা ঠোঁটের জুট্‌ল এক হাতে !

নকুলিকা ॥ ছিল যে চূণ ভাঁটিতে,—

কুরঙ্গিকা ॥ খয়েরের বাগানটিতে,—

ধূপের ধোঁয়ায়

উভয়ে ॥ সুপারির সঙ্গে তারাও ফন্দী কি আঁটে !

নকুলিকা ॥ মিলে শেষ পান-খিলিতে,—

কুরঙ্গিকা ॥ রূপসীর বালাই নিতে,—

উভয়ে ॥ লিখে ছায় রঙীন লেখা হাসির কপাটে !

নকুলিকা ॥ মধুরে মধুর ক'রে

কুরঙ্গিকা ॥ সুবাসে ছায় রে ভ'রে

উভয়ে ॥ মিঠে-বাল কি মন্তরে নাচায় একনাটে !

কুরঙ্গিকা ॥ তুই ঘাবি, না, আয়ির সঙ্গে সারাদিন রঙ্গ করবি ?...

বেলা গড়িয়ে গেল.....এর পর গেলে কুমারদের সঙ্গে
ছাথাও হবে না,চিঠিও দেওয়া হবে না।তিন
দেউড়ী পার হ'য়ে যেতে হবে, মনে থাকে যেন।

নকুলিকা ॥ রোস্ না ভাই, একটু জিরোই,আমার বড্ড
গা' টিস্টিস্ করছে।

কুরঙ্গিকা ॥ অ ! বটে ! আমারও বড্ড হাত নিস্পিস্ করছে।
(কিল)

নকুলিকা ॥ যা' না,.....ছাখ্, রাগালে কিন্তু এখুনি গালাগালি
করব.....

কুরঙ্গিকা ॥ গালাগালি ?.....কি রকম গালাগালি ভাই!.....
যেমন হাতে হাতে হাতাহাতি, চুলে চুলে চুলোচুলি, গলায়
গলায় গলাগলি,.....তেম্নি ধারা নাকি ?

নকুলিকা ॥ হুঁ হুঁ !

কুরঙ্গিকা ॥ না, না,খবরদার !.....চাল্তার মতন গাল
তোর,খবরদার !

নকুলিকা ॥ তা' বই কি !

কুরঙ্গিকা ॥ খবরদার ! চাল্তা আমি মোটে ভালোবাসি না,.....
চাল্তার অশ্লল অব্ধি ছুঁই না ;খবরদার.....চাল্তা
গালে গালাগালি কোরোনা, কিন্তুভালো হবে না,
বলছি ; এই খবরদার, এই !.....খবরদার ! এই—

[প্রস্থান

নকুলিকা ॥ (যেতে যেতে) বেজবতী ! আমাদের দেউড়ীগুলো
পার ক'রে দিয়ে যাও, আমরা রাজকুমারদের চিঠি দিতে
যাচ্ছি ।

[প্রস্থান

বেজবতী ॥ নাঃ আবার এই রোদ্দুরে ভোগালে ।

[প্রস্থান

তন্দ্রাবুড়ী ॥ (গাম্ছায় জিনিস গুছিয়ে নিতে নিতে) যাই আমিও
যাই, একলাটি হেতায় কি করব ।

[প্রস্থান

নেপথ্যে ॥ আরে দূর,..... আরে ছেই,.....আরে দূর,.....
কোন্ দিক সাম্লাই,.....দূর হ', দূর হ', দূর হ',.....
ঐ বাঃ !

ধূপের ধোয়ায়

[তন্দ্রাবুড়ীর পুনঃপ্রবেশ]

তন্দ্রাবুড়ী ॥ নিয়ে গেল, নিয়ে গেল, মাথা খেলে আমার !.....অ
বাপু কিঙ্কিবেবাসী, অ হুন্মান !.....ও গাছ-মোড়া নয়...
...ও হাতীর দাঁতের গাছ-কোটোও খাওয়া যায়
না রে, খাওয়া যায় না,.....দিয়ে যা,কি আপদেই
পড় লুম গা, ... অ বেতন্তু দিদি !.....মুখপোড়া বেল
নিলে না, আমার মাথা খেতে কোটো নিয়ে পালালো,
দিয়ে যা রে দিয়ে যা..... বলি, অ হুন্মানঅ
কিচ্‌কিন্কে !.....অ মুখপোড়া !

[প্রস্থান

তৃতীয় দৃশ্য

[হাওয়া-মঞ্জিল, চারিদিকে শ্বেতপাথরের জালি ; একদিকে একটা
মস্ত মালতী লতার গাছ লতিয়ে উঠে চাঁদোয়া রচনা করেছে । ছোটো
মাটির কুণ্ডায় জুঁই ফুলের গাছ । শ্বেতপাথরের বেদীর উপর সীতা,
উর্শ্বিলা ও মাণ্ডবী উপবিষ্টা, কাছে বিহঙ্গিকা ।]

বিহঙ্গিকা ॥

(গান)

কুঁড়ি ওই পাখ'না মেলে !—

পাপড়ি ব'লে ভুল কর' না !

দেছে ভব্ পাখায় ভ্রমর,

তাই বুঝি ফুল উদাস-মনা !

বাঁধা যে আছে বোঁটায়,—

ভুলে যায়,—পরাণ লোটায় ;—

কেঁদে কয় বন্ধু ! আমায়

শেখাও দূরের আনাগোনা ।

মিনতি হ'ল মিছে, চায় না পিছে, ভ্রমর মোটে,

করে ফুল আথাল্-পাথাল্ উতল হাওয়ায় মাথা কোটে !

খুলে যায় বোঁটার বাঁধন,—

বুঝি বা ঘুচল কাঁদন ;

না রে না,—হর্ষে বিষাদ,—

ধূলায় লোটায় চাঁদের কোণা !

সীতা ॥ ফুলের ছঃখু তার সঙ্গী চ'লে গেল, সে সঙ্গে যেতে পেল
না, বেচারী সঙ্গ-স্থখে বঞ্চিত হ'ল ।.....ভোম্ৰা কি
ভাবলে তা ভোম্ৰাই জানে ।.....যারা দূরে যায় তারা
পুরোনো হারিয়ে নতুন পায় ।.....কত নতুন ফুলের সৌরভ,
.....কত নতুন পাখীর কাকলিকত নতুন চোখের
বিদ্যুৎ.....তাদের মন হরণ করবার জন্তে.....বিজ্ঞ
বনেও মায়াপুরী নির্মাণ ক'রে রেখেছে । কিন্তু, যারা
চোখের জল সম্বল ক'রে পিছনে প'ড়ে বইল,...

ধূপের ধোঁয়ায়

...জ্ঞান হাসি হেসে, আপনার জনকে বিদায় দিয়ে,
আঁধার মুখে ঘরের অন্ধকার কোণে ফিরে এল, তাদের
সব শূন্য, সব খালি, সব ফাঁকা ! সেই পুরোনো ঘর-দুয়ার,
সেই পুরোনো সাজ-সরঞ্জাম, সেই সমস্ত ! ...নতুনের
মধ্যে ?ভরা ঘরের মাঝখানে—দুর্ভর ব্যাকুলতা, ঘরভরা
কান্না,বুকভরা হাহাকার !চেনা মুখের হাসি
চাইলেও দেখতে পাওয়া যায় না, স্মরণের সোনার কোটোর
সাত রাজার ধন মাণিক হ'য়ে বিরাজ করে ।

উন্মিলা ॥ দিদি !

সীতা ॥ (আকাশের দিকে চেয়ে, অশ্রুমনস্কভাবে) পূর্বদিকের সাদা
মেঘগুলো সোণার বর্ণ হ'য়ে উঠেছে, ... আজ কি পূর্ণিমা ?

উন্মিলা ॥ আজ তো নয়.....কাল.....

সীতা ॥ এটা না মধু-পূর্ণিমা ?

উন্মিলা ॥ হ্যাঁ, মধু-পূর্ণিমা.....বসন্তোৎসব ।

সীতা ॥ এবার বসন্তোৎসব নিরানন্দে কাটাতে হবে, ... এবার
নিরুৎসব ।

মাণ্ডবী ॥ এটা কি এঁদের ভালো হ'ল ?শ্রুতিকে তখন
হেসে উড়িয়ে দিচ্ছিলুম, কিন্তু এখন দেখছি নানা রকমে
বঞ্চিত হচ্ছে.....চারিদিক থেকে বঞ্চিত হচ্ছে ।

উন্মিলা ॥ এখন মনে হচ্ছে, শ্রুতি কিচ্ছু অস্তায় করে-নি, ঠিকই
করেছে.....

ধূপের ধোঁয়ায়

সীতা ॥ জ্যাখো চিঠির কি জবাব আসে.....

বিহঙ্গিকা ॥ ঐ জ্যাখো.....ঐধূমকেতু উদয় হয়েছে ।.....

মাণ্ডবী ॥ কি প্রকাণ্ড ওর পুচ্ছ !.....পূর্ব থেকে পশ্চিম আকাশ
পর্যন্ত আচ্ছন্ন হ'য়ে গেল,.....চাঁদ নিশ্চয় হ'য়ে গেল ।

উর্মিলী ॥ ওটা ধূমকেতু না কালকেতু

বিহঙ্গিকা ॥ না কপালকেতু ?

মাণ্ডবী ॥ শুনেছি, ওটার নাম তামসকীলক, আমাদের কপালে
কালকেতু হ'য়ে দাঁড়িয়েছে ।

উর্মিলী ॥ কালও যেখানে উঠেছিল আজও ঠিক সেইখানে ।.....
আজ চোদ্দ দিন ধ'রে ঐ একটা জায়গাতেই উদয় হচ্ছে ।

মাণ্ডবী ॥ শুনেছি নাকি ওটা বে দেশে যে ক'দিন জ্যাখা যায় সে
দেশে তত বৎসর অমঙ্গল ।

সীতা ॥ অমঙ্গলের আর বাকী কি ?.....এরি মধ্যে তো মনের
ভিতর সব গোলমাল সঁধিয়েছে.....সব যেন কেমন.....

মাণ্ডবী ॥ আড়ো আড়ো ছাড়ো ছাড়ো হ'য়ে পড়ছে !

বিহঙ্গিকা ॥ তবু মহারাজ দস্তুরমত স্বস্ত্যয়ন করচ্ছেন ।

মাণ্ডবী ॥ (অক্লমস্বভাবে) তাইতো ! নকুলিকার হ'ল কি ?

এখনো ফিন্নদ না । কুরঙ্গিকাই বা কি ?

উর্মিলী ॥ কি জানি ?.....শ্রুতি তো হ'লে তো বেড়াচ্ছে.....

সীতা ॥ বিহঙ্গিকা জ্যাখ্ তো এগিয়ে.....কুরঙ্গিকা, কুরঙ্গিকা কেউ
ফিন্নদ না ?

ধূপের ধোঁয়ায়

[নকুলিকা, কুরঙ্গিকা ও শ্রুতকীর্তির প্রবেশ]

কুরঙ্গিকা ॥ ফিরেছি.....জবাব এনেছি.....চার চার খানা জবাব
এনেছি..... শিরোপা চাই.....পুরস্কার,.....

নকুলিকা ॥ হুঁ,.....শিরোপা চাই.....

কুরঙ্গিকা ॥ তোর কিসের শিরোপা, র্যা ?তুই তো যেতে
চাস্নি.....বলেছিলি জবাব দেবে না,..... তারপর
তজ্জাবুড়ীর ওখানে ফষ্টিনষ্টি ক'রে দেড়ঘণ্টা কাটালি,
শিরোপা দেবে না গলায় পা দেবে ।

নকুলিকা ॥ ছাখ্, তুই কুরঙ্গিকা না ভুজঙ্গিকা ?

কুরঙ্গিকা ॥ কেন বল্ তো.....

বিহঙ্গিকা ॥ নইলে, নকুলিকার সঙ্গে অত লাগিস্ কেন ?.....
ঠিক যেন সাপে নেউলে.....

নকুলিকা ॥ বল্ তো ভাই, বল্ তো.....

শ্রুতকীর্তি ॥ নে, নে,.....চিঠি দে.....

নকুলিকা ॥ আগে বখ্ শিস—

(গান)

(আমায়) ক'রে চাপরাশী চিঠি রাশি রাশি
পাঠালে ! হাঁটালে ! খাটালে ! .

শ্রুতকীর্তি ॥ তাই বুঝি সারা বেলাটা বেবাক
বাহির-মহলে কাটালে ?

নকুলিকা ॥ সে কস্মুর মোটে নয় আমাদেরি,
জবাব পেতে যে হ'য়ে গেল দেবী, .

শ্রুতকীর্তি ॥ দে, দে, চিঠি দেখি,—

নকুলিকা ॥ —বথ্ শিস ?

শ্রুতকীর্তি ॥ —ছাথ্—

ভাল হবে নাক ঘাঁটালে, আমায় ঘাঁটালে ।

নকুলিকা ॥ বেশী নাহি চাই কোরোনাকো কোপ,
পাগড়ী নাগরা দাড়ি আর গৌফ,
(চাপরাশ চাপদাড়ি আর গৌফ,)

কুরঙ্গিকা ॥ চোপ, চোপ, নিজে সব নিবি বুঝি ?.....
ধর্ম্মে সবে না ছাঁটালে, আমায় ছাঁটালে ।

নকুলিকা ॥ গৌফ নেই গৌফে তেল দিবি কিরে ?.....
ভারি লোভ দেখি কাঁটালে, গাছের কাঁটালে ॥

মাণ্ডবী ॥ আচ্ছা, পাগড়ী, নাগরা আমি দেব এখন, আমায়
দে.....

(কুরঙ্গিকার তথাকরণ)

উন্মিলা ॥ চিঠি সব পড়বে কে.....

মাণ্ডবী ॥ দ্বিদি থাকে বলবে.....

ধূপের ধোঁয়ায়

সীতা ॥ যে বড় সেই পড়বে.....আমায় দাও.....(পাঠ)

• উন্মিলা,

তোমার আজকের পত্রের বচন-বিত্যাস মোটেই উন্মিলা-
মালার কলধ্বনির মতন নয়, এ একেবারে তরঙ্গভঙ্গ ।
সে যা' হোক, আমরা চার ভাইএ কোথায় যাচ্ছি তা'
তোমায় বলতে পারলুম না, কেন যাচ্ছি তাও না । তুমি
জানো কারো কাছে জবাবদিহি করা আমার স্বভাব নয় ।
এতে যদি অভিমান কর নাচার । ইতি—লক্ষণ

উন্মিলা ॥ (অধোবদনে রইলেন)

শ্রুতকীর্তি ॥ (অন্তরিক্কে মুখ ফিরিয়ে) উঃ !

সীতা ॥ (আর একখানা খুলে) এ খানা দেখছি আমার ।
(নীরবে পাঠ)

মাণ্ডবী ॥ কই ?.....পড় !

সীতা ॥ কী আর পড়ব... • ঐ একই কথা,.....(আর একখানা
খুলে পাঠ)

মাণ্ডবী,

তোমার চিঠি কোথায় 'মম শিরসি মণ্ডনম্' হবে,
..... তা না হ'য়ে একেবারে কোদণ্ড-টঙ্কার !.....একেবারে
যুদ্ধং দেহি !.....চিঠিতে তোমার এই চণ্ডীমূর্তি দেখে, হে
কোপনে ! সত্যই আমাকে একটু গণ্ডগোলে পড়তে হয়েছে ।
কেথায় যাচ্ছি সে কথাটা তোমার কাছে বিজ্ঞাপিত করা

ধূপের ধোঁয়ায়

হয়নি ব'লে প্রতিজ্ঞা করেছ যে সজ্ঞানে সরযু-লাভ হ'লেও
এই আজীবন ভৃত্যকে সে সংবাদ জ্ঞাপন করবে না ! • কি
আশ্চর্য্য ! তোমার মতন প্রজ্ঞাবতী নারীর কি এই বিচার ?
ভালো, আমি.....থুড়ি.....আমরাও প্রতিজ্ঞা করছি, যে
তোমরা না আহ্বান করলে আর ওমুখো হব না, এমন
কি নগরেও ফিরব না ; যে দিকে দুই চক্ষু যায়, আক্ষেপের
সঙ্গে বলতে হচ্ছে, যে সেই পথেরই পণিক হব । অভিমান
নামক সামগ্রীটি কেবল ভামিনী কুলেরই একচেটে নয় ।
ইতি—

তোমার হতভম্ব ভর্তা—ভরত বন্দ্য

উন্মিলা ॥ (মাণ্ডবার মুখের দিকে চাইলেন ।)

মাণ্ডবী ॥ (গালে হাত দিয়ে ভারতে বসুলেন কি নিজের গালে
নিজে চিম্টি কেটে বিদ্রোহী হাসিটার বেয়াদবীর দণ্ডবিধান
করলেন তা' ঠিক বুঝতে পারা গেল না ।)

শ্রুতকীর্তি ॥ (দাঁড়িয়ে উঠে । আবার ঠোঁটের উপর ঠোঁট চেপে
দুই হাতের মুঠো শক্ত ক'রে ব'সে পড়লেন ।)

সীতা ॥ শ্রুতি ! এইবার তোর চিঠি,.....(পাঠ)

শ্রুতকীর্তি,

তোমার আবার এ কি নূতন কীর্তি ! দস্তরমত
নারীবিদ্রোহ পাকিয়ে তুলেছ দেখছি । তোমরা চারজনে
একজোট হ'য়ে আমাদের চার ভাইকে দমিয়ে দেবে

ধূপের ধোঁয়ায়

ভেবেছ ? সেটি হচ্ছে না, আমরাও চারজনে এককাটা
• হলুম, জান্বে। দেখি কারা হারে আর কারা জেতে।
বিদায়ের আগে শুধু এইটুকু বলে রাখছি, যে তোমরা
বিধিমতে সাধ্য-সাধনা না করলে সাদের অযোধ্যায় আর
পদার্পণ করছি-নি। ইতি—

তোমার শত্রুর—শত্রু

পুনশ্চ :—লিখেছ কথা না রাখলে আর চিঠি লিখবে না,
এই তোমার প্রতিজ্ঞা। ভালো, আনি তোমার প্রতিজ্ঞা
ভঙ্গ করতে চাই-নে। তবে স্বামীর কর্তব্য আমায় করতেই
হবে। যদি কোনোদিন স্মরণ করবার আবশ্যক হয় তবে
এইসঙ্গে যে অঙ্গুরী পাঠালুম, সেইটি পাঠিয়ে দিও।

ইতি শ—

মাণ্ডবী ॥ তা হ'লে ঠিকানা দিয়েছে।

সীতা ॥ কই না। (চিঠি উন্টেপাণ্টে দেখলেন)

মাণ্ডবী ॥ কোথায় পাঠাতে হবে বলে-নি ?.....নকুলিকা !

নকুলিকা ॥ কই সে কথা আমাদের কিছু বলেন-নি ॥

শ্রুতকীর্তি ॥ তা বলতে যাবে কেন ?.....আশা জাগিয়ে নিরাশ
করে অপমানের উপর অপমান করবার ও আর-একটা
ফন্দী।

মাণ্ডবী ॥ দেখলে দিদি, চিঠির সব ছিরি দেখলে ?

উন্মিলা ॥ কি হবে, দিদি ?... ..অযোধ্যা যোদ্ধাশূন্য হ'য়ে রইল ;
কি হবে ?

মাণ্ডবী ॥ কি আবার হবে,.....গুঁরা নইলে সত্যিই কি অযোধ্যা
অরণ্য হবে

উন্মিলা ॥ আমাদের পক্ষে হবে বই কি.....

শ্রুতকীর্তি ॥ না, না, তুমি অমন দমে যেয়ো না.....দমে গেলে
চলবে নাআমাদের অভিমানের অপমান ক'রেছে.....
আমাদের বিদ্রোহী বলেছে,.....বেশ.....আমরা বিদ্রোহী
ঘোষণা করলুম ।

মাণ্ডবী ॥ আমরা রোগে পড়ি, মরে যাই,.....কোনো খবর
দেব না ।

শ্রুতকীর্তি ॥ বিপদ হোক্ আপদ হোক্.....কোনো খবর দেব না,
.....কোশল দুর্গ শত্রু এসে ঘেরাও করলেও না ।

সীতা ॥ ভগবান করুন, তেমন দিন যেন না হয় ।

শ্রুতকীর্তি ॥ যদি হয়, মেয়েরাই এ দুর্গ রক্ষা করবে, পুরুষের
শরণাপন্ন হবে না । জয় হয় ভালোই.....হেরে যাই অগ্নিদেব
আছেন ।

সীতা ॥ শ্রুতি, তুই কি বক্ছিছিস্ ?.....

মাণ্ডবী ॥ সব তাতেই কি বাড়াবাড়ি ?

শ্রুতকীর্তি ॥ না, দিদি, বাড়াবাড়ি নয়,.....যারা অকারণে আমাদের
মনে আঘাত দিতে পারে, তাদের করুণা ভিক্ষা ভিন্ন,

ধূপের ধোঁয়ায়

সত্যিই কি আমাদের কোনো উপায় নেই?.....তুমি দেখো, আমি দেখিয়ে দেব খুব উপায় আছে।.....যারা অভিমানের মান রাখতে জানে না, তাদের পায়ে না ধরলে দিন চলবে না?.....খুব চলবে।.....ছোটো ছোটো কাজের ভেতর দিয়ে দেখিয়ে দেব,খুব চলবে। আজ থেকে আমার মহলের সমস্ত কাজ.....সমস্ত কাজের ব্যবস্থা আমি মেয়েদের দিয়ে করাব। আর তাদের সবাইকে ব'লে দেব, যেন কোনো কাজে কোনো পুরুষের কোনো সাহায্য না নেওয়া হয়।

নকুলিকা ॥ তা হ'লে তোমার মহলে সন্ধ্যা-সকালে সানাই বাজবে না ?

শ্রুতকীর্তি ॥ যদি মেয়ে বাজান্দার পাওয়া যায় বাজবে.....

নকুলিকা ॥ নইলে ?

শ্রুতকীর্তি ॥ বাজবে না।

নকুলিকা ॥ হাঁড়ি চড়বে না ?

শ্রুতকীর্তি ॥ যদি মেয়ে-স্থপকার পাওয়া যায় চড়বে.....

নকুলিকা ॥ নইলে ?

শ্রুতকীর্তি ॥ চড়বে না।

নকুলিকা ॥ তোমার সখের বাগানে গাছপালায় জল পড়বে না ?

শ্রুতকীর্তি ॥ যদি মেয়ে উত্থান-পাল পাওয়া যায় পড়বে.....

নকুলিকা ॥ নইলে ?

ধূপের ধোয়ায়

শ্রুতকীর্তি ॥ পড়বে না ।

নকুলিকা ॥ তা হ'লে আর এক পা এগিয়ে গাছগুলি সব কেটে
বাগানে শুধু লতা রাখলেই তো ভালো হয় । ব্যাকরণে
বলেছে গাছগুলো সব পুরুষ.....

শ্রুতকীর্তি ॥ হাসি নয়,.... তাই হবে ; আমার বাগানের লতাদের
আর গাছের মুখাপেক্ষী ক'রে রাখব না । যা' বলেছি
তা' করব, বতদূর চালানো বাঁয়, চালাব ; শেষ না দেখে
ছাড়ব না ।

উর্শ্বিলা ॥ মনে থাকে যেন কাল মদন-মহোৎসব.....কন্দর্প-মন্দিরে
যাবি-নে তো ?.....কন্দর্প পুরুষ-দেবতা ।

শ্রুতকীর্তি ॥ যাই-না-যাই দেখতেই পাবে.....

মাণ্ডবী ॥ হ্যাঁ, বখন বিদ্রোহী বলেছে তখন বিদ্রোহ কাকে বলে
তা দেখিয়ে দেওয়া চাই ।

নেপথ্যে ॥ স'রে যাও !.....স'রে যাও !.....হাওয়া-মজিলে
হুস্মান পড়েছে !.....সাবধান ! স'রে যাও !

উর্শ্বিলা ॥ (স'ভয়ে) স'রে এস দিদি, স'রে এস !

সীতা ॥ চল্ ভিতরে যাই ।

[সকলের প্রস্থান

দ্বিতীয় অঙ্ক

প্রথম দৃশ্য

[ঐতর্ক্যভির মহল-সংলগ্ন ‘শ্রামল-আরাম’ নামক পুষ্পবাটিকা ; মাঝে মাঝে ইট-বাঁধানো পথ ; পথের ইটগুলি কতকটা মংশপঞ্জরের ছাঁদে সাজানো, মাঝে মাঝে আবার স্বস্তিকের ছাঁদে বসানো হয়েছে । স্বস্তিকের মাঝ থেকে কোথাও ফিন্‌কি দিয়ে কোয়ারা ছুটেছে, কোথাও রজনীগন্ধার পুষ্প-দণ্ড উঠেছে । বিজে—পদ্মবন, পদ্মবনের মাঝে মাঝে শ্বেতপাথরের পদ্মকলি । দূরে প্রাচীরের ধারে ধারে অশোক, বকুল, টাপা, নাগকেশর ও মুচুকুন্দের গাছ । তার কোলে গন্ধরাজ, টগর, রঙন, জুঁই, চামেলী প্রভৃতি । একটা ফুল্করী পাথরের বেদীর উপর একরাশ কৃষ্ণচূড়ার ফুল । নিপুণিকা, কপোতিকা, মুকুলিকা প্রভৃতি তরুণীর দল একটা বকুলগাছের ডালে দোলা বাঁধতে ব্যস্ত ।]

তরুণীর দল ॥

(গান)

চারি চক্ষে যে চেনাচিনি, অরি কিশোরী !

তারে, জীয়াইয়ে রেখ মিনতি করি !

তোরি তরে ঝরোকারে রেখেছে রে খোলা !

সাদা দাও, পায়জোরে আওয়াজে ভরি’ !

তোরি তরে তরু’পরে বেঁধেছে রে দোলা !

হলে যাও, ভুলে চ’লে এস ভ্রমরী !

তোরি তরে সরোবরে ফুটায়েছে ফুল রে !

তুলে নাও, কোনো ছলে পথ বিসরি' !

তোরি তরে অন্তরে জুটায়েছে ভুল রে !

যদি চাও দাও ভেঙে সে ভুল ওরি !

মুকুলিকা ॥ কি সুন্দর, ভাই, ত্যাগ, কি চমৎকার ।

সকলে ॥ কি ? ভাই, কি ?

মুকুলিকা ॥ দেখে যা, দেখে যা, ফুলের ফোটা দেখে যা', সন্ধ্যামণির

বন্ধ করা পাপ্‌ড়ি দেখতে দেখতে খুলে যাচ্ছে !

সকলে ॥ ওরে আয় আয়, ফুলের ফোটা দেখ'বি আয় !

(গান)

‘ফুলের ফোটা দেখ'বি কে !’

সাঁঝের পরী যায় ডেকে ।

যেই ইসারায় ঈষৎ শশী

হাসল নীলাকাশ থেকে !

সাঁঝের পরী যায় ডেকে !

আব'ছা আলোয় উস্খুসিয়ে

রসের বেদন উস্কে দিয়ে

বাতাস বিভোল,—কুঁড়ির প্রথম

পাপ্‌ড়ি খোলার হাই লেগে !

ধূপের পোয়ায়

ঝুম্‌কো-লতার বুরির ভোঁরায়
অবাক ঝাঁঝি ঝিমিয়ে চায় !
নয় যে কুঁড়ি নয় যে কুসুম
নিব্বম হ'য়ে দেখছে তায় !
পাপিয়া কোকিল উঠছে গেয়ে
ফুল-ফোয়ারার ছন্দ পেয়ে,
বলছে জোনাক আলোর বুলি
ভালোবাসার বোল্‌ ঢেকে ।

কপোতিকা ॥ সন্ধ্যা হ'য়ে এল, বা রে ! মালিনী কই ?

নিপুণিকা ॥ আমার ফুলের ঢোলিটার কি ক'লে কে জানে !

মুকুলিকা ॥ ভারী মজার লোক, যা হোক.....

কপোতিকা ॥ কাল উৎসব, আজ কি আর তার মরবার ফুরস্ত
আছে ?

নেপথ্যে ॥

(গান)

খাস্‌ বাগানের ঠাস্‌ গোলাপে রাশ ক'রে !

বেঁধেছি পরিপাটি এই তোড়াটি বসন্তে উদাস ক'রে !

নিপুণিকা ॥ মরবে কি ?.....অনেককাল বাঁচ বে.....ঐ যে তার
গলা পাচ্ছি-নি ?

[মালিনীর প্রবেশ]

মালিনী ॥

(গান)

খাস-বাগানের ঠাস গোলাপে রাশ ক'রে !

বেঁধেছি পরিপাটি এই তোড়াটি মৌমাছি নিরাশ ক'রে ।

এনেছি জুঁয়ের গোড়ে যত্নে গ'ড়ে

ফুলের তোড়ে মন্ত্বে বেঁধে,

এনেছি ফুলের চোলি কলি কলি

বেল্-চামেলি ছন্দে গেঁথে,

গড়েছি ফুলের পাখা ফুল-পতাকা

মালঞ্চ উদাস ক'রে !

কেড়েছি পঞ্চশরের সব ক'টি শর

কিশোর হাসির দাস ক'রে !

কপোতিকা ॥ মালিনী, অ মালিনী !

নিপুণিকা ॥ ফুলের চোলি ? এনেছ তো.....

মালিনী ॥ এনেছি বই কি, সব এনেছি..... শুধু ফুলের চোলি ?

.....হুঁঃ ! কত রকম ফুলের গয়না এনেছি, তা তো

ছাখনি..... আজ বসন্তোৎসবের সন্ধ্যা,এই আজ

আর কাল.....এই দু'দিন সোনার গয়না গায়ে ঠেকাতেই

নেই, তা বুঝি জান না ?.....

ধূপের ধোঁয়ায়

(গান)

আজ, ফাগুন-দিনে ফুল-গহনা

সোনা না-মঞ্জুর !

কঠিন সোনা আজকে মানা

আজ রাখ তায় দূর !

ফুলের কাঁকন ফুলের মুকুট

(আর) ফুলের রতন-চূড়

ফুলের নূপুর বাজবে নীরব

সৌরভে ভরপুর !

সকলে ॥ আমি নেব.....ফুলের গয়না.....আমি কিনব.....

নিপুণিকা ॥ ক' স্মৃতি আছে ? কুলোবে তো ?

মুকুলিকা ॥ বেশ হ'ল ভাই আর শ্রাক্ষরার খোসামোদ কর্তে
হবে না ।

(গান)

সকলে ॥ আমরা, ডাক্বনা আর ড্যাক্বাকে—

শ্রাক্বাকে !

আমাদের, গয়না হবে নিত্যি-নতুন

মালধে হাজার শাখে ।

ধূপের ধোঁয়ায়

ওরা ছায়নাকো পান, ছায়নাকো বানি,
শুধু, দিয়েই খুসী প্রত্যাশী নয়, জানি খুব জানি ;
আর রইল না ভয় চোর-ডাকাতে
সোনায যারা টাঁক রাখে !

নিপুণিকা ॥ তোর মালঞ্চ-স্টেটের গয়না কত ক'রে পড়বে, ভাই,...
...কি দিতে হবে ?

মালিনী ॥ তাড়াতাড়ি কি, তার জন্তে ব্যস্ত হ'তে হবে না,.....
যা হয় দিয়ো না তখন,.....রাজার মালঞ্চের ফুল, তার তো
আর দাম লাগবে না,.....আমার মজুরি,.....যা' হয়
দিয়ো ।

নিপুণিকা ॥ আমার ফুলের চোলিটা ?.....ওটার জন্তে কি
দিতে হবে ?

(গান)

তরুণীর দল ॥ চামেলির এই কাঁচলি বেচ'বি কি দরে ?

মালিনী ॥ বুনেছি সোহাগ দিয়ে বেচ'ব আদরে !

তরুণীর দল ॥ কি জিনিস্ চাস্ মালিনী ?

মালিনী ॥ সোহাগের সর খালি নিই !

নয়নের নিই আরতি ফুল্ল অধরে !

ধূপের ধোঁয়ায়

তরুণীর দল ॥ না, না, ভাই ঠিক বল না,

মালিনী ॥ তবে চাই কানের সোনা,

দরদী দর ক'রনা কিন্তে সুন্দরে ।

[ফুল নিয়ে তরুণীদের প্রস্থান]

[শ্রুতকীর্তি ও নকুলিকার প্রবেশ]

নকুলিকা ॥ মালিনী ! উতান-পালিকে ! দাঁড়াও ! দাঁড়াও !

শ্রুতকীর্তি ॥ মালিনী এদিকে এস !.....শোনো,.....আমার

মহলে আমি পুরুষের সংস্রব রাখতে চাই-নে.....তুমি

বাগানের সব কাজ করতে পারবে ?

মালিনী ॥ (বিস্মিতভাবে) সব কাজ ?

শ্রুতকীর্তি ॥ হ্যাঁ.....সমস্ত কাজ,.....ঘাস নিড়ানো, মাটি

কোদলানো, কলম বাঁধা, সার দেওয়া,.....

নকুলিকা ॥ দরকার হ'লে গাছে ওঠা, ডাল বুড়ে দেওয়া, জঙ্গল

কেটে ফেলা.....

মালিনী ॥ কেন, মালী ?

শ্রুতকীর্তি ॥ বল্লম পুরুষের সংস্রব রাখব না.....মালী ছাড়িয়ে

দেওয়া হবে.....

মালিনী ॥ গাছে উঠতে হবে ?গাছ কাটতে হবে ?.....

শ্রুতকীর্তি ॥ হ্যাঁ, হবে.....কতবার বল্বে.....

মালিনী ॥ তা.....আচ্ছা.....আপনি যখন বলছেন.....তখন

ধূপের ধোঁয়ায়

যথাসাধ্য চেষ্টা ক'রে দেখ ব,.....তা সম্প্রতি কি করতে হবে ?

শ্রুতকীর্তি ॥ সম্প্রতি বাগান থেকে সমস্ত গাছ কেটে উড়িয়ে দিতে হবে ;.....অর্থাৎ সংস্কৃতে যাকে বৃক্ষ বলা যেতে পারে সেই সব গাছ কেটে ফেলতে হবে,...লতা গাছ কাটতে হবে না ।

মালিনী ॥ বাগানে বোড়দোড় হবে বুঝি ?

নকুলিকা ॥ না, না, বোড়দোড় হবে কেন.....বুঝতে পারলে না, লতা গাছ মেরে জাতের গাছ কিনা, তাই ওদের কাটা হবে না, বাকী সব পুরুষ গাছ.....তাই সেগুলো সব বাগানের বার ক'রে দেওয়া হবে,.....তা সহজে তো বার করা যাবে না.....তাই অস্ত্রের সাহায্য নিতে হবে.....কেটে উড়িয়ে দিতে হবে ॥

মালিনী ॥ (ঈষৎ একটু ঘোমটা টেনে) গাছ পুরুষ মানুষ ? কি ক'রে জানলেন ?

নকুলিকা ॥ ব্যাকরণ ব'লে এক শাস্ত্র আছে,..... সেই শাস্ত্রে সব লেখা আছে,.....

মালিনী ॥ (প্রণাম ক'রে) শাস্ত্রে বলেছে ?..... তা হ'লে কাটতে হবে বই কি !.....তা এক কাজ করলে হয় না,.....কাঁটা দিয়ে কাঁটা তুলে হয় না,মালীদের তো তাড়িয়ে দেবেন, তা মালীদের দিয়ে গাছগুলো কাটিয়ে নিয়ে তাড়িয়ে দিলেই তো সকল দিকে স্তুবিধে হয় ।

ধূপের ধোঁয়ায়

শ্রুতকীর্তি ॥ না, না,.....যা বলছি তাই কর ।

মালিনী ॥ যে আজ্ঞা, তাই করব ।.....আচ্ছা, যে সব গাছের
সঙ্গে লতাগুলো জড়িয়ে গেছে সে গাছগুলো কি বাদ
রাখা যাবে !

শ্রুতকীর্তি ॥ লতার পাকগুলো আস্তে আস্তে খুলে নিয়ে, তারপর
কোপ লাগাবে ।

মালিনী ॥ লতাগুলোতে বাঁশের ঠেকনো দিতে পারি ?

নকুলিকা ॥ বাঁশ মেয়ে না পুরুষ ?.....আচ্ছা, ব্যাকরণ দেখে
পরে ব'লে পাঠাব,.....এখন যেতে পার ।

মালিনী ॥ (যেতে যেতে ফিরে এসে) কাল মদন-মহোৎসব,
কালকের দিনে অশোক বকুল টাপা গাছগুলো সব কাটব ?
না, কাল বাদে পরশু কাটলে চলবে ?

শ্রুতকীর্তি ॥ না, কালই কাজ শুরু করা চাই, যাও ।

মালিনী ॥ যে আজ্ঞে ।

[প্রস্থান

শ্রুতকীর্তি ॥ নকুলিকা,... বধূনাটোর দলে খবর পাঠানো
হয়েছে ?

নকুলিকা ॥ হয়েছে.....সন্ধ্যাবেলায় নৃত্যশালায় আস্তে ব'লে
দিইছি ।.....কি পালা হবে তা তো ব'লে দেওয়া
হ'ল না ।

শ্রুতকীর্তি ॥ সে হবে এখন ।

নেপথ্যে ॥

(গান)

তোমাতে মারলে কে কোন্ বাণে হয় রে
ও বনের পায়রা মোর !

শ্রুতকীৰ্ত্তি ॥ নকুলিকা ! কে গান গায় ? দেখতো !

নকুলিকা ॥ (নেপথ্যের দিকে এগিয়ে) ও একটা পাখ্‌মারাদের
মেয়ে.....এইদিকেই আসছে,ঐ যে কুরঙ্গিকা ওর
সঙ্গে.....এইদিকেই আসছে ।

[একজন শবরী ও কুরঙ্গিকার প্রবেশ]

শবরী ॥

(গান)

তোমাতে, মারলে কে ? কোন্ বাণে ? হয় রে !
ও বনের পায়রা মোর !
হায় ! হায় !

বন্ধু ! আমার মেল আঁখি !
জনমের সাথী গো এ তো নয় রাত্তি !
কেন এই ঘুমের ঘোর !
হায় ! হায় !

ধূপের ধোঁয়ায়

বন্ধু ! আমার মেল আঁখি !

কাকলি কর্ব যে ঝরনার বোল ধরব
মিলায়ে পাখনা পাখায় !

হায় ! হায় !

সঙ্গী ! আমার মেল আঁখি !

কেবলি, ডাকছি আর, চক্ষের জল মাখছি,
বাতাসে হতাশ জাগায় !

হায় ! হায় !

বন্ধু ! আমার মেল আঁখি !

শ্রুতকীৰ্ত্তি ॥ এ কে রে কুরঙ্গিকা !.....কোথায় পেলি একে ?

কুরঙ্গিকা ॥ পাখী বেচ্তে এসেছে,.....দেউড়ীতে বেত্রবতী

আটকেছিল.....আমি অনেক ব'লে ক'য়ে নিয়ে এলুম ।

শবরী ॥ পাখী নেবে গা রাগী ? পাখী ?

(কুরঙ্গিকা ও নকুলিকার পরস্পরে কানে কানে কথা)

শ্রুতকীৰ্ত্তি ॥ কি পাখী ?.....দেখি !পায়রা ?.....পায়রা

কি হবে ? রাজপুরীতে পায়রার অভাব কি ?

শবরী ॥ এ পায়রার অনেক গুণ !

শ্রুতকীৰ্ত্তি ॥ কি গুণ ?.....চিঠি নিয়ে যেতে পারে ?.....সে

রকম পায়রাও এখানে চের আছে ।

ধূপের ধোঁয়ায়

শবরী ॥ উহু,.....এ জুড়ি-ভাঙা পায়রা, জুড়িদারের কাছে^১ চিঠি
নিয়ে যায়,.....যাকে মনে ক'রে চিঠি ছাড়বে.....তারি
হাতে পৌছে দেবে ।

শ্রুতকীর্তি ॥ বটে ?.....বটে ?.....এ পায়রা তুই কোথায় পেলি
শবরী ?

শবরী ॥ আমাদের সর্দারের বে সর্দার তার কাছে পেয়েছি ।
তার নাম ছদ্মন-কাটারী ।

কুরঙ্গিকা ॥ (চোখ টিপে মানা করলে) অত নাম-খামের দরকার
কি আমাদের.....কি দাম চাস্ ? তাই বল্ না ।

শবরী ॥ এই পায়রার ওজনে সোনা চাই ।.....সর্দার-রাজা
ব'লে দিয়েছে.....তার কমে বেচ'তে মানা আছে.....

শ্রুতকীর্তি ॥ আচ্ছা, তাই হবে,.....নকুলিকা, পায়রার ওজনে যত
সোনা হয়, দিয়ে দিস্ । (প্রস্থানোত্ত)

শবরী ॥ বাস্ ?.....হ'য়ে গেল সওদা ?.....আর কিছু চাই-নে ?
.....আমার ঘরে অনেক রকম জানোয়ার আছে.....

শ্রুতকীর্তি ॥ (একটু ভেবে) আচ্ছা, আপাতত একটা মেয়ে-
কোকিল, একটা মেয়ে-ময়ূর আর একটা মেয়ে-হরিণ এনে
দিস্ ।

নকুলিকা ॥ কেন ?.....তোমার হরিণ, ময়ূর সব কি হল ?

শ্রুতকীর্তি ॥ কি আর হবে ?.....তাড়িয়ে দিয়েছি, উড়িয়ে দিয়েছি,
.....পুরুষ-জন্তু পুষব না,.....ওদের হৃদয় নেই ।

ধূপের ধোঁয়ায়

নকুলিকা ॥ অ !.....বুঝেছি.....তা ঠাখ্ শবরী, তুই রাণীজার
জন্তে একটা মেয়ে-হরিণ, একটা মেয়ে-ময়ূর আর একটা
মেয়ে-কোকিল নিয়ে আসবি,.....বুঝেচিস্ তো ?

শবরী ॥ বুঝেচি ।

শ্রুতকীর্তি ॥ নকুলিকা, তোর কিছু ফরমাস থাকে তো, অমনি
ব'লে দে, মেয়ে-জন্ত হওয়া চাই কিন্তু,.....আমি চল্লম ।

[গ্রহান

নকুলিকা ॥ (একটু ভেবে) আমার জন্তে ?.....মেয়ে জন্ত ?
.....নাঃ,.....আচ্ছা, আনিস্ একটা মেয়ে-গরু ।

শবরী ॥ যে ছকুম ।

কুরঙ্গিকা ॥ দাঁড়িয়ে রইলি যে.....পায়রার ওজনে সোনা নেবে ?
.. ...সোনা অত সস্তা নয়,.....যাও ছুষমন-কাটারির কাছে
.....সেইখানে ছ'শো মণ চারশো মণ যা' চাইবে.....তাই
পাবে,.....যাও ।

নকুলিকা ॥ কে পায়রা পাঠিয়েছে ?.....হাঃ হাঃ হাঃ...কে ?...
কে ?.....ভুলে গেলুম !.....কে ?

কুরঙ্গিকা ॥ ছুষমন-কাটারি.....চমৎকার নাম—

নকুলিকা ॥ বা নামের চমৎকার তর্জমা

উভয়ে ॥ হিঃ হিঃ হিঃ !

[মুখে কাপড় দিয়ে হাঁসতে হাঁসতে গ্রহান

দ্বিতীয় দৃশ্য

[স্নানাগারের সম্মুখ ; অসংখ্য ধাপওয়ালা একটা সিঁড়ির খামিকটা ছাখা বাঁচে, সিঁড়ির মাথা থেকে পাতাল-ঘরে আলো এসে পড়েছে । একটা কুলুঙ্গিতে সিঁদূর-মাথানো একটা মকরের পিঠে বকুণের মূর্তি ; একটা কুলুঙ্গিতে কতকগুলো ফুল আরেকটাতে একটা কোঁটো । একজন যবনী শাদ্রী ধনুর্বাণ নিয়ে পায়চারি করছে । স্নানাগারের ভিতর থেকে দর্পণ, কাজললতা প্রভৃতি নিয়ে চঞ্চল-চরণে চঞ্চরীকার প্রবেশ ।]

যবনী ॥ চিঞ্চিনাটি !

চঞ্চরীকা ॥ (মুখ ভেংচিয়ে) চিঞ্চিনাটি ! পিছনে ডাকছে কেন বাবুইহাটি ? পাথরের সিঁড়িতে হৌচট থেয়ে প'ড়ে মরবে ?

যবনী ॥ মরবে ? না পর্ব, — কাল পর্বদিন ?

চঞ্চরীকা ॥ হ্যাঁ গো, কাল মদন মহোৎসব, — ভালোবাসার পরব ।

যবনী ॥ (আকর্ণবিশ্রান্ত হাসি হেসে), ভালোবাসা ?.....ঈরদকি আফ্রোজিনি ?.....মেয়ে কি মরদ ?

চঞ্চরীকা ॥ আমাদের ভালোবাসার ঠাকুর মেয়ে নয়, মরদ, তাঁর নাম কন্দর্প ।

যবনী ॥ আমাদের যবন-মণ্ডলে ভালোবাসার ভারি দেবতা হচ্ছে মেয়ে লোক..... তার নাম আফ্রোজিনি,.....হাল্কা দেবতা ঈরসু ধনুক নিয়ে বেড়ায়,.....আফ্রোজিনির বেটা ।

চঞ্চরীকা ॥ ধনুক নিয়ে বেড়ায় ?.....সে তো আমাদের কন্দর্প,তোমরা তাকে কি বল ?

ধূপের ধোঁয়ায়

যবনী ॥ ঈরস্ ।

চঞ্চরীকা ॥ কী রস ?

যবনী ॥ (চঞ্চরীকার কাণের কাছে মুখ নিয়ে গিয়ে) ঈরস্ ।

চঞ্চরীকা ॥ ও-রসে আমাদের কাজ নেই, আমাদের কন্দর্পই
ভালো ।.....আবার ভালোবাসার মেয়ে-দেবতা ? তার
নাম কি বল্লে ?

যবনী ॥ ওর ছ' নাম,.....কেউ বলছে আফ্রোজিনি,.....কেউ
বলছে আফ্রোদিতি ।

চঞ্চরীকা ॥ যবনী, তোর কপাল খুলেছে ।

যবনী ॥ (কপালে হাত বুলিয়ে দেখে) কই ?

চঞ্চরীকা ॥ হাত বুলিয়ে কি দেখ্‌ছিস্ ?... ..তুই দেখতে পাবি-
নি ; আমি দিব্যচক্ষে দেখ্‌ছি ।

যবনী ॥ (সবিশ্বয়ে মুখের দিকে চেয়ে বোকাটে হাসি হাসতে লাগল)

চঞ্চরীকা ॥ শোন, বলি.....তোদের এই ভালোবাসার মেয়ে-
দেবতার কথা শ্রুতকীর্তি ঠাকুরগকে বলতে পারিস্ ?.....
বখশিস্ পাবি ।

যবনী ॥ ছোটো কত্রী আমাদের দেবতা পূজ্বে ? আমরাও
কাল পূজ্বে,.....মিছিল্ বার হবে,.....আফ্রোজিনির
মিছিল্.....নৌকায় বার হবে ।

চঞ্চরীকা ॥ কোথায় ? সরযুতে ?

যবনী ॥ না, ফুল-বাড়ীর ঝিলে ;যত মেয়ে শাজ্জী মিলে চাঁদা

ধূপের ধোঁয়ায়

তুলেছি। নৌকা সাজাব.....গেছো পশমের ফুল দিয়ে,
লাল টক্ টক্ ফুল দিয়ে।

চঞ্চরীকা ॥ গেছো পশম ?.....সে কি ?

যবনী ॥ ভারি বড় গাছভারি লাল লাল ফুল !

চঞ্চরীকা ॥ (হেসে) অ ! শিমুল !

যবনী ॥ হুঁ, আমরা গেছো পশম বলি.....আমার দেশে গাছে
পশম হয় না,.....তোমার দেশ ভারি মজার.....গাছে
পশম হয়।

চঞ্চরীকা ॥ তা তো হয় !.....কিন্তু এত ফুল থাকতে শিমুল
ফুল কেন ?

যবনী ॥ লাল.....কলিজার মতন লাল.....কি রং !

চঞ্চরীকা ॥ তোমরা রংই সার জেনেছ,.....গন্ধ ফুল ভালো
লাগে না ?

যবনী ॥ গন্ধ ফুল ?.....হাঁচি হয়,.....সর্দি !

চঞ্চরীকা ॥ শিমুল ফুল ধুয়ে খাওচল্লুম।

[প্রস্থান

[জ্ঞানাগারের ভিতর থেকে সীতা ও উর্ষিলার প্রবেশ]

যবনী ॥ (গ্রীক ধরণে অভিবাদন ক'রে কুলুঙ্গি থেকে একটা
কোটা নিয়ে সীতার সামনে ধ'রে) কোটা !.....

সীতা ॥ কোটো ?.....কিসের কোটো ?.....কোথেকে এল ?

যবনী ॥ কিপোস্ ফেলেছে.....

ধূপের ধোঁয়ায়

সীতা ॥ কিপোস্ ? ...কিপোস্ কে ?

যবনী ॥ (মাথা চুলকিয়ে) কিপোস্.....কিপোস্কপি ।

উর্শ্বিলা ॥ কপি ?.....বান্দর ?.....বান্দরে ফেলেছে ?.....দেখি
(কোটো খুলে) ভিতরে ভূর্জপত্রে কি লেখা রয়েছে,
.....চিঠি,..... গোড়াটা নেই, বান্দরে চিবিয়ে খেয়ে
ফেলেছে.....

সীতা ॥ যতটুকু আছে তাই পড়ে ছাখ্ না ।.....

উর্শ্বিলা ॥ (পাঠ) পুরোহিত-পরিষদ এবং স্বয়ং মহর্ষির এই
অভিমত । এই বায়সাকুতি ধূমকেতুর উদয়ে শুধু
রাজ্যেরই যে সমূহ অনিষ্টের সম্ভাবনা তাহা নহে,
অপিচ শ্রীমান্দিগের সহিত শ্রীমতী বধুমাতাদিগের দীর্ঘ
বিচ্ছেদের সম্ভাবনা । এই উভয় অমঙ্গলের নিরাকরণ
জন্য পুরোহিত-পরিষদ গ্রহযাগের অস্থগ্ঠান করিতেছেন,
তন্নিম্ন মহর্ষি আজ্ঞা করিয়াছেন, যে আগামী বসন্তোৎসবের
পূর্বাঙ্কে কোনো পক্ষকে কোনো কারণ না দর্শাইয়া পৃথক
করিয়া দিতে হইবে । শ্রীমন্মহর্ষি বলেন বসন্তোৎসবের
সময়ে চিরাকাঙ্ক্ষিত আনন্দের পরিবর্তে আকস্মিক ভাবে
তীব্র মানসিক দুঃখভোগ ঘটাইতে পারিলে গ্রহবৈগুণ্যের
খণ্ডন হইলেও হইতে পারে । কিন্তু এ সমস্ত বৃত্তান্ত শ্রীমান্
বা শ্রীমতীদের মধ্যে কেহ ঘূণাকরেও যেন জানিতে না
পারেন । জানিলে সমস্তই পণ্ড হইবে । ইতি অঙ্গ-বঙ্গ-

ধূপের ধোঁয়ায়

সিন্ধু-সৌবীর-সৌরাষ্ট্র-কাশী-মগধাদি-সমস্ত-সামন্ত-সজ্জ-মৌলি-
মণি-রঞ্জিত-পাদপীঠ অষ্টোত্তর-শত-শ্রীযুক্ত মহারাজ -উত্তর-
কোশল-স্বামী.....

সীতা ॥ আর পড়তে হবে না,.....উশ্মিলা !.....

উশ্মিলা ॥ (বিষম মুখে) দিদি !..... কেন পড়লুম.....কেন
জানলুম..... কি হবে, দিদি !

সীতা ॥ মহর্ষির সমস্ত ইষ্ট-চেষ্টা পণ্ড হ'য়ে গেল.....কিন্তু কাকে
দোষ দেব ?.....তোমায় ?.....না যবনীকে ?.....না যে
বান্দর এই কোটো ফেলেছে তাকে ?.....কাউকে না,
.....দোষ অদৃষ্টের ।

উশ্মিলা ॥ কি হবে দিদি !

সীতা ॥ কি হবে ?.....যা ভবিতব্য.....যা বিধাতার ইচ্ছে ।
.....তুই বিষম হ'স্নি উশ্মিলা ! মনের বল হারাস্নি,
.....হয়তো ধূমকেতুর অমঙ্গল-সূচনা ধোঁয়াতেই অবসান
হবে ।.....আর যদি তা না-ই হয়..... তাই ব'লে.....
নোকো ডুবতে পারে ব'লে,.....কে কবে ঝড়ের আগে
নোকো ডুবোয় !

উশ্মিলা ॥ (নিরুত্তর)

সীতা ॥ আর তা' ছাড়া আরেকটা কথা ভাববার আছে,....
আমরা ছ'বোনে যা' জেনেছি তার ফল চারজনকে যেন
না ভুগতে হয় । সে সম্বন্ধে সাবধান হ'য়ে চলতে হবে ।

ধূপের ধোঁয়ায়

আমাদের বিষয় দেখলে, সেই বিষয়তার কারণ জানবার
জন্তে সবাই কৌতূহল হবে, কাজেই ক্রমে.....

[তন্দ্রাবুড়ীর প্রবেশ]

তন্দ্রাবুড়ী ॥ অ!—মা! তোমরা এখানে,.....আর আমি খুঁজে
খুঁজে আলাম!.....

উর্শ্বিলা ॥ কেন আয়ি!

তন্দ্রাবুড়ী ॥ এই ধূম-খেত্তরের দোষ কাটাবার জন্তে তোমার
ঋণ্ডী.....সুমিত্রির.....মহলে স্বস্তন হচ্ছে,.....তাই
হোমের ফোঁটা পয়বার জন্তে তোমাদের ডাকছে।

সীতা ॥ চল যাই.....সপ্তভূমক প্রাসাদে তো!

তন্দ্রাবুড়ী ॥ হ্যাঁ গো; আবার কোথা.....(সহসা উর্শ্বিলার
হাতে কোটো দেখে) অ—মা! কি আশ্চর্য্য!.....এ
কোটো তুমি কোথায় পেলে.....হাদে ছাখে, হাদে ছাখে
.....কি আশ্চর্য্য।

সীতা ॥ বাঁদরে বুদ্ধি ফেলেছিল.....এই যবনী কুড়িয়ে পেয়েছে
.....এই মাত্র দিলে.....

তন্দ্রাবুড়ী ॥ কই দেখি দেখি, হ্যাঁ এইত.....এইত বটে। গায়ে
তিন-থাক শঙ্খ-লতা.....এষে সুমিত্রির.....এষে তোমার
ঋণ্ডীর.....আমায় রাখতে দিয়েছিল, দিদি, জিন্মে
ক'রে দিয়েছিল,.....তা' পোড়া বাঁদরের জালায় কি কিছু

ধূপের ধোঁয়ায়

রাখবার যো আছে গা' !.....যদি খোঁজ পড়ে.....আর
খুঁজে না পায়.....তা হ'লে এখনি অন্নথ ক'রবে।
দাও দিদি দাও !.....তা' ছাথ, দিদি, বাঁদরে নিয়ে
গিয়েছিল বোলো না যেন.....

উন্মিলা ॥ ব'লে আর কি হবে।

[সীতা ও উন্মিলার প্রস্থান

তজ্জাবুড়ী ॥ আজ দশ বছর বিয়ে হয়েছে.....চার চারটে বো'য়ের
কারো কি ছেলে হ'তে নেই গা !.....স্বমিত্তিরেকে বলি
যে রাজাকে ব'লে একটা পুৎ-ষষ্টির যগুগি টগুগি করাও,
তা কারো গেরাজি হয় না।.....ভালো ছাথায় কি গা ?
চার চারটে বো'য়ের কারো কোলে ছেলে নেই.....রাজার
রাজি ব'য়ে যায়.....ভালো ছাথায় কি ? অ্যা ? এই
স্বমিত্তিরেকে মানুষ ক'রলুম.....তার ছেলে নক্ষণকে মানুষ
ক'রলুম,.....এখন নক্ষণের একটি ছেলে হ'লে মানুষ
ক'রে দিয়ে যাই। সত্যি কিছু ছেরকাল থাকবনা। তাই বলি
.....বলি, তোমাদেরও তো ঐ পুৎ-ষষ্টির যগুগি ক'রেই
ছেলে হয়েছিল, তা বো'য়েদের বেলাও না হয় সেই যগুগি
করাও, তা কারো গেরাজি নেই.....রাজার রাজি ব'য়ে
যায়ভালো ছাথায় কি গা, অ্যা ?

[প্রস্থান

ধূপের ধোঁয়ায়

তৃতীয় দৃশ্য

[নৃত্যশালা, সারি সারি পিতলের দীপ-বৃক্ষ, তার ডালে ডালে অন্দের আবরণে ঢাকা দীপ জ্বলছে। দেওয়ালের মাথার কাছে চারিদিকে মৃণালবাহী মরালশ্রেণী আঁকা রয়েছে, তার নীচে কিন্নর-দম্পতী বীণা বাজাতে বাজাতে যেন শূন্তমার্গে চলেছে। তার নীচে তরঙ্গ-লেখা। পিল্লের পিল্ল-বাগ-বাগিণীর মূর্তি। এক পাশে একটা কাকন দণ্ডে একটা মণিময় ময়ূর। চীনাংশুকে ঢাকা আসন্ধিকা নামক আসনে ঋতকীর্তি ও মাগুবী আসীন। পাশে দুখানা আসন খালি রয়েছে। পিছনে চামরধারিণী ও পানের বাটা নিয়ে করঙ্কবাহিনী। সামনে রক্ত-কঙ্কলাসনে বধূনাট্যের দল। মৃদঙ্গ, বেণু, বীণা প্রভৃতি যন্ত্র ইতস্তত ছড়ানো রয়েছে।]

ঋতকীর্তি ॥ না, না, না,এবার বসন্তোৎসবে ও-রকম ধরনের গান-টান চলবে না। ও ভালোবাসার পালা শুনে-শুনে ঝালাপালা হওয়া গেছে, অত্ন কোনো পালা-টালি থাকে তো বলো।

প্রথমা ॥ ভালোবাসার গান ভালো লাগছে না? প্রেমের পালা পছন্দ নয়? তবে ত মুস্থিল! আমাদের এলাকায় প্রীতি ছাড়া যে গীতই নেই। বধূ-নাট্যের ভিৎ হ'ল ভালোবাসার গানে।

দ্বিতীয়া ॥ সেইজন্তেই ত সারস্বতমণ্ডলী থেকে আমাদের কাউকে উপাধি দিয়েছে প্রীতিতীর্থ, কাউকে দিয়েছে যন্ত্র-রত্ন, কাউকে দিয়েছে সোহাগ-ভূষণ।

ধূপের ধোঁয়ায়

তৃতীয়া ॥ রোসো, রোসো !.....আচ্ছা দেখুন, আপনারা প্রেমের ছাড়া আর কোনো পালা যদি শুনতে চান, তবে-আমার মামা মশায়ের তৈরি একটি নতুন পালা শোনাতে পারি। মামা মশাই আমার কবিও বটেন, আবার কবিরাজও বটেন। সেইজন্তে তিনি কবিত্তে এবং কবিরাজত্বে মিলিয়ে যে নাটকটি রচনা করেছেন, তার নাম হচ্ছে ‘আধি-ব্যাধি-ওষধি-চম্পু’.....তাতে গত্তে-পত্তে সমস্ত টোটকা ওষুধের সঙ্গে আধি-ব্যাধির বুদ্ধের কথা পালার আকারে লেখা হয়েছে ;.....পালাটি জ্ঞাতব্য তথ্যে একেবারে টাইটশুর.....আজ্ঞে করেন তো.....

মাণ্ডবী ॥ না, আমাদের ঘুড়ি-কাশি হয়-নি, অত্তু কিছু থাকে তো বলো.....

তৃতীয়া ॥ আজ্ঞে, বিত্তে-ডুগ-ডুগি মশায় এ পালা পড়ে খুব.....

মাণ্ডবী ॥ তা হোক বিত্তে-ডুগ-ডুগি মশায়ের বুলিতে ভালুক নাচতে পারে, মানুষে নাচে না।

চতুর্থী ॥ আজ্ঞে আমাদের পাড়ার তর্কচর্কী মশায়ের তৈরি একটি মানুষের মতন পালা আমার মুখস্থ আছে ; যদি শোনেন তো গাই.....সেটি একটি দার্শনিক পালা.....তার নাম হচ্ছে ‘তত্ত্ব-তাণ্ডব’ বা ‘সর্বতত্ত্ব-সংঘট্ট-বটোৎকচ্চি’..... এতে সর্বতত্ত্বের সারমর্শ্ব নাট্যাকারে গ্রথিত করা হয়েছে। এতে বিশ্বতত্ত্ব, নিঃস্বতত্ত্ব, শব্দতত্ত্ব, অর্থতত্ত্ব, অলঙ্কার-

ধূপের ধোঁয়ায়

তব্ব, স্বর্ণকার-তব্ব, সমাজতব্ব, প্রত্নতব্ব, অশ্বতব্ব,
ডিহতব্ব...

মাণ্ডবী ॥ ব্যস্, বাস্ ...তব্বের গর্ভে জ্যাস্তে কবর হ'য়ে গেল
দেখ্ছি ! থামো, থামো

পঞ্চমী ॥ ওগো থামো না, জানি তোমার পালা পছন্দ হবে
না ! (এগিয়ে এসে) আচ্ছা, দেখুন, আপনাদের সত্বপদেশ-
পূর্ণ উপাদেয় পালা শুন্তে আপত্তি আছে কি ?

মাণ্ডবী ॥ কত আর 'না, না' করা যায়.....

শ্রুতকীর্তি ॥ আচ্ছা, শোনাও.....(কাঁধের উপর দিয়ে পিছনে
হাত বাড়িয়ে পান নিলেন)

পঞ্চমী ॥ আমাদের এই পালাটির নাম “ভুবনের মাসী” বা
“কর্মদোষে কর্ণ-কর্ভন” ; প্রস্তাবনাটা একটু শুনুন,—

(সুরে)

ভুবন নামেতে ব্যাদ্ড়া বালক

তার ছিল এক মাসী,

আহা, ভুবনের দোষ দেখে দেখিত না—

সে মাসী সর্বনাশী !

ক্রমে, কলাচুরি মূলোচুরি ক'রে বাড়ে

ভুবনের আঙ্কারা,

ধূপের ধোঁয়ায়

চোর হ'তে পাকা ডাকাত হ'ল সে

ব্যাবসা মানুষ-মারা !

শেষে, ধরা পড়ে গেল বিচার হইল

ভুবনের হবে ফাঁসী,

হাউ হাউ কেঁদে লাড়ু মুড়ি বেঁধে,

ছুটে এল তার মাসী ।

তখন, মাসীরে ভুবন দেখে বলে “শোন্

কথা আছে কাণে কাণে,

আহা ! কাছে গেল মাসী বোনপোর মনে

কী আছে কিছু না জানে !

জগৎ স্তব্ধ সহসা শব্দ

হইল কটাস্ ক'রে,

কেটে নেছে কাণ মাসীর ভুবন

ডাকাতে-দাঁতের জোরে !

ফাঁসীর কারণ মাসী কাঁদে, আর

উপদেশ পাই মোরা,

আস্কারা গেলে তঙ্কর হয়

রাশ্কেল বোনপোরা !

ধূপের ধোঁয়ায়

মাণ্ডবী ॥ ভাখো বাপু, আমাদের চার বোনের মধ্যে কারো
বোনপো নেই, এ উপদেশ নিয়ে আমরা কি করব?
আচ্ছা এ কি তুমি নিজে লিখেছ?

পঞ্চমী ॥ আজে, না, মৌলিকতার দাবী করি-নে, অত্নের রচনা
নাট্যাকারে গ্রথিত করি।

মাণ্ডবী ॥ ভবিষ্যতে আর পরের এলাকায় অনধিকার প্রবেশ
ক'র না, ফাঁড়িতে পাঠিয়ে দেবে।

শ্রুতকীর্তি ॥ নাঃ, ভেবেছিলুম বধূনাট্যের দলটাকে চাঙ্গা ক'রে,
মেয়েদের দিয়ে শিল্পসাধনায় একটা নতুন মোচাক্ সৃষ্টি
করব.....কিন্তু ক্রমশঃ হতাশ হ'য়ে পড়তে হচ্ছে.....

ষষ্ঠী ॥ না, না, হতাশ হ'য়ে পড়বেন না,আপনাদের কাছ
থেকে আমরা অনেক আশা করি। আচ্ছা আরেকটি
জিনিস আপনাদের শোনাই,এ পালা শুন্লে হতাশ
প্রাণে আশার সঞ্চার হয়। এ পালায় আচারপরায়ণা
আচার্য্যানীদের একটি বিশেষ বাণী বিঘোষিত হয়েছে,
এটি আমাদের গার্হস্থ্য পবিত্রতার সনাতন সঙ্গীত,.....
পালাটির নাম হচ্ছে শ্রীশ্রীগোবর-মঙ্গল ! (অত্নাত্ন সভ্যদের
প্রতি) ধম্ না ভাই, সকলে মিলে শোনাই।

(গান)

জয় জয় শ্রীগোময় ! গোলোকে বসতি হয়,
শুচি তুমি শুচিতার সেতু !

ধূপের ধোঁয়ায়

বৈকুণ্ঠের গোবরাটে গোবরিয়া পোকা হাঁটে

গায়ে তার গোময় যেহেতু !

বধূনাটোর দল ॥ হায় রে, গায়ে তার গোময় যেহেতু !

ষষ্ঠী ॥ সৃষ্টি আগে বৃষরূপে ধর্ম্য নাদিলেন চুপে

সেই নাদে সৃষ্টির পত্তন,

সংসার হইল তাই ষাঁড়ের গোবর ভাই

অকেজো অথচ অকারণ !

বধূনাটোর দল ॥ হায় রে, অকেজো অথচ অকারণ !

ষষ্ঠী ॥ গোবর অমূল্য ধন ধরিলেন গোবর্ধন

নন্দের নন্দন নিজকরে ;

গোবরে যে ঘেন্না করে, গোভূতে তাহারে ধরে,

হয় সেই ল্যাজে ও গোবরে ।

মাণ্ডবী ॥ বাস্, বাস্, আর গাইতে হবে না.....খামো,.....

এ যে দেখছি.....

উপদেশ-পুঁটুলির পুঁটিরাম কবি ।

গড়েছে গোবর দিয়ে বাগ্দেরীর ছবি ।

বধূনাটোর দল ॥ (বিস্মিতভাবে মুখ-চাওয়া-চাওনি করতে লাগল)

মাণ্ডবী ॥ এ সর্কড়ি-ঘরের পালা নাচঘরে কেন ?

ধূপের ধোঁয়ায়

শ্রুতকীর্তি ॥ নাঃ জন্মেছে না, জন্মেছে না, (পিছন না ফিরে কাঁধের উপর দিয়ে পান নিয়ে) । কেন দিদি আজ জন্মেছে না বল তো ? মাণ্ডবী ॥ জন্মে কি ?—

বচনের বীণ্কার বীণ্কারী কই তার ?

মরমের তরফের তার বাজে কই ?

গরজের বাজ্‌না এ, খোঁজে শুধু খাজ্‌না এ,

ভালুকের নাচ্‌না এ, এতে রাজি নই ।)

শ্রুতকীর্তি ॥ নাঃ জন্মেছে না, অত্ৰ কোনো ভালো পালা নেই ?

প্রথমা ॥ আছে বই কি, ভালো ভালো পুরোণো পালা আছে, যেমন লক্ষ্মী-স্বয়ম্বর, সমুদ্র-মস্থন, মাতৃকা-মঙ্গল বা কাণ্ডিকের জন্ম, রুকর জয় বা পুরুষ-সাবিত্রী ।

শ্রুতকীর্তি ॥ এমন পালা নেই বাতে সব স্ত্রীলোক, পুরুষের নাম-গন্ধ নেই ?

দ্বিতীয়া ॥ আছে,অভিনয় যারা করবে.....তারা সবাই স্ত্রীলোক,কিন্তু পালাতে পুরুষ আছে বই কি ; তবে, সে সব ভূমিকাও আমরাই গ্রহণ করব। মেয়েরা পুরুষ সাজবে।

শ্রুতকীর্তি ॥ না, না, আমি ও-রকম চাইছি-নে,ও-রকম চাই-নে,নাঃ জন্মেছে না, জন্মেছে না ।

[নকুলিকার প্রবেশ]

শ্রুতকীর্তি ॥ কই ? দিদি এলেন না ?

ধূপের ধোঁয়ায়

নকুলিকা ॥ না, তাঁর শরীর একটু অসুস্থ হ'য়ে পড়েছে, তিনি আসতে পারবেন না ।

শ্রুতকীর্তি ॥ শরীর অসুস্থ নয়,মনে সুখ নেই,তাই এলেন না,আমি বুঝেছি ।

মাণ্ডবী ॥ উর্শিলার কি হ'ল ?

নকুলিকা ॥ সীতাদেবী একলাটি আছেন, সেইজন্তে তিনি তার কাছে রয়েছেন ।

শ্রুতকীর্তি ॥ নাঃ আজকে আর জন্মে না, সব মাটি..... সকল রকমে মাটি.....সব মাটি ।

[প্রস্থান

মাণ্ডবী ॥ (ছোটো গলায়) নকুলিকা, শ্রুতির অবস্থা দেখলি ?ও বাইরে কারকে জানতে দিচ্ছে না, কিন্তু ভিতরে ভিতরে ওর মন কাঁদতে শুরু ক'রেছে ।

নকুলিকা ॥ ওঁর একলার নয়, অনেকেরই মন কাঁদতে শুরু ক'রেছে । এই বসন্তকাল.....চাঁদনী রাত.....এমন রাতে একলাটি ;এক রকম ভালো.....বসন্তে নিশ্চ-ভোজন ।

[মাণ্ডবী ও নকুলিকার প্রস্থান

প্রথমা ॥ আজ আমরা কার মুখ দেখে বেরিয়েছিলুম, কে জানে, কারকে খুসীও করতে পারলুম না, নিজেরাও খুসী হওয়া গেল না ।

ধূপের ধোঁয়ায়

৪

দ্বিতীয়া ॥ রাজবধূদের প্রসন্ন হাসিটুকুও আজ পাওয়া গেল
প্রশংসা-ভিখারীর হাত-পাতাই সার।

তৃতীয়া ॥ সব ভিখারীরই এক দশা।

সকলে ॥

(গান)

(ও তুই) ব্যাকুল হ'য়ে বাড়ালি হাত দান পাবি বলি !

(দেখি) ফিরুল যে তে ন আপন বুকেই শূন্য অঞ্জলি !

(তোর) বাজল সারং বিফল গানে,

(হায়) ধরুল না রং কারু প্রাণে,

(শেষে) চোখের জলের বন্যা প্রবল রইল কেবলি !

তৃতীয় অঙ্ক

প্রথম দৃশ্য

[পুষ্পবাটীকার অপর অংশ, দূরে কন্দর্প-মন্দির ছায়া যাচ্ছে। মন্দিরের গায়ে চকাচকি, হংস-হংসী, ময়ূর-ময়ূরী, কপোত-কপোতীর আধ-খোদাই নক্সা। পাশে ঝিল, ঝিলে পল দিয়ে সাজানো একখানা নৌকো। এদিকে মাধবী-লতা-জড়ানো ঝুলি গাছে একটা ফুল দিয়ে সাজানো দোলা ঝুলছে। মুকুলিকার পিছন পিছন বল্লরীকার প্রবেশ।]

বল্লরীকা ॥ স্বজনী ! শোজ'নে কুঁড়ি !

মুকুলিকা ॥ কি স্বজনী বড়াই-বুড়ী !

বল্লরীকা ॥ দেব গায় ফাগের গুঁড়ি !

মুকুলিকা ॥ ফকুড়ি ফের ? বটে ?...বটে ?

বল্লরীকা ॥ দিই না ছ'টি আজ কি চটে ?

মুকুলিকা ॥ দিস'খুনি সেই সন্ধ্যাবেলা,

জন্মে যখন লোকের মেলা।

বলি হ্যাঁলা ! রকম কিলো ?

বল্লরীকা ॥ রকম কি আর ? দুঃসমাচার

হুতুম-খুমোর হুম্বি এলো !

মুকুলিকা ॥ সে কি রকম ?

বল্লরীকা ॥ বন্ধ এবার বকম-বকম।

ধূপের ধোঁয়ায়

মুকুলিকা ॥ হেঁয়ালি রাখ্.....বল্না খুলে !

বল্লরীকা ॥ ছাখ্না নিজের চক্ষু তুলে !

কুড়ুল নিয়ে আস্ছে কারা

অশোক বকুল শিরীষ পারুল

সব গাছেরই দফা সারা !

মুকুলিকা ॥ কাটবে না তো দোলা-সমেত তমালটাকে ?

বল্লরীকা ॥ চল্ দেখিগে দাঁড়িয়ে ফাঁকে ।

[অন্তরালে গমন]

[মালিনী ও স্ত্রীবেশে মালীর প্রবেশ]

মালিনী ॥ শিগ্গীর সেরে নাও, এখুনি ছোটো কর্ত্রী এসে পড়বে
.....মুকুলি হবেএই গাছটা এই গাছটা ।

মালী ॥ তুইওতো আচ্ছা লোক দেখ্ছিআজ পূজোর দিনে
.....দেবতার চোখের সামনে..... জ্যান্ত গাছটাকে প্রাণে
মারব্ ?.....ছোটো কর্ত্রী তোকে বলেছে.... তুই কাট্ না,
আমার তো চাকরী এম্নেও থসেছে, অম্নেও থসেছে ।

মালিনী ॥ হ্যাঁগা আমি কি পারি ? ... আমি হলুম নারী.. ...
যাতে জোরের দরকার সে কাজ কি আমাদের দিয়ে হয় ?

মালী ॥ আ তোমার মুখে (জিভ কেটে) বেগুন ! ছোটো
কর্ত্রীকে কাল সে কথা বলিস্-নি কেন ?... গুঁর কথায়
আমি দেবতার গাছ কাটি.....নিজের পায়ে কুড়ুল মারি,

.....বলি দেবতার কোণে পড়ে শেষে এই বুড়ো বয়সে
কি আবার বিয়ে করব নাকি ?

মালিনী ॥ তা হ'লই বা, বলে, ভাগ্যমানের.....আমরা মরি !

মালী ॥ তুই কি আমায় ভাগ্যমানি ঠাওরালি ব্যা ?

মালিনী ॥ পুরুষ মানুষ সবাই ভাগ্যমান.....ভাগ্যি ওদের
ল্যাজে বাঁধা !

মালী ॥ না নাঃ, শেষে কি সত্যি তোকে হারাব ? কেন তুই সং
সাজিয়ে এখানে নিয়ে এলি ?

মালিনী ॥ আহা, না কাটো, দুটো কোপ দিয়ে রাখনা, ছোটো
কজীর চোখে পড়ুক, কাজ ছাখানো নিয়ে বিবর ।

মালী ॥ নাঃ, তোর সাহস থাকে তুই কাট ।

মালিনী ॥ আহা বড় কথাই বল্লেন, উনি দেবতার মন্দির ভয়
রাখেন, আমি তো রাখি-নি !.....আর, তোমার কাজ
আমাকে কখনো সাজে !

মালী ॥ কেন ?..... তোমার সাজটা আমায় দিবি সাজ্জল, আর
আমার কাজটা তোমায় সাজ্বে না ? না-হয় উড়ে-
সুন্দরীদের মতন মালকোঁচা মারো !

মালিনী ॥ বচনের খোঁচা দিতে খুব মজবুত, কাজের বেলায় ঢু ঢু !

মালী ॥ ওরে ! আর কোঁচাও দিতে হবে না, খোঁচাও খেতে হবে
না, এইবার সিঁধে চোঁচা দিই চ'.....কারা আসছে.....

মালিনী ॥ তা এলই বা,.....চোঁচা দিতে যাব কেন ?

ধূপের ধোঁয়ায়

মালী ॥ তা নইলে এই চৌচের মতন মোচের বাহার দেখলেই
‘হুড়ো জ্বলে এখনি বোঁচা ক’রে ছেড়ে দেবে,দেই
চৌচা.....আমা-হ’তে ও-কাজ আজ কিছুতেই হবে না ।
মালিনী ॥ খবরদার, ঘোমটা টেনে দাও পালিয়ে না ।

[বল্লরীকা ও মুকুলিকার প্রবেশ]

বল্লরীকা ॥ মালিনী, এ আবার কে লো ?

মালিনী ॥ ও নতুন মালিনী ।

মুকুলিকা ॥ বাস্ রে !.....এ যে বোম্বাই মালিনী !

মালিনী ॥ বোম্বাই কি ?.....ও আমার সম্পর্কে (চোক গিলে)
বোন্ হয়,দিদি ।

বল্লরীকা ॥ দিদি কি লো, মরদ মরদ ঠেকছে যে !

মালিনী ॥ তা’ মেয়ে-ছেলেকে মরদের কাজ করতে হ’লে অমন
একটু ঠেকবে বই কি ; ছোটো কজীর হুকুম তো
জান না, তা মেনে চল্লে, ক্রমে আমাদেরও গাঁফ বেড়াবে ।

মুকুলিকা ॥ তা’ হ্যাঁ ভাই, তোর দিদিকে মরদের কাজ করতে
হয় কেন ?

মালিনী ॥ অ-মা !.....তা জাননা ?.....ওর যে হট্টমালার দেশে
বিয়ে হয়েছে,সেখানে গাই-বলদে চষে কিনা, তাই ।

বল্লরীকা ॥ তা ভাই, আমরা মেয়েছেলে আমাদের দেখে তোর
দিদি ঘোমটা দিচ্ছে কেন ?

মালিনী ॥ (নিরন্তর)

মালী ॥ (সলজ্জ অঙ্গভঙ্গী) ✓

মুকুলিকা ॥ ভাই বোম্বাই মালিনী, ঘোমটা খোলো,তোমায় দেখি,.....ভাব করবে না ?.....সে কি ভাই (ঘোমটার টান দিয়ে).....ওঃ সাবাস্ ! বোম্বাই মালিনীর গৌফ যে রে !

বল্লরীকা ॥ মেয়ে-ছেলের গৌফ কি লো ?.....বলি হ্যাঁ মালিনী !

মালিনী ॥ চুপ্ ! চুপ্ !.....গোল করে কি বোন ? দিদি আমার লজ্জা পাবে ;.....তা জান না, দিদির ঐ তো রোগ ! কত কবরেজ কত বড়ি দেখলে.....কিছুতেই কিছু হ'ল না।.....তা' সেদিন ওদের গাঁয়ে একজন সন্ন্যাসী এসেছিল, সে একটি মাহুলি দিয়ে গেছে,.....মধুপূর্ণিমের দিন সরযুর জলে ডুব দিয়ে সেই মাহুলি ধারণ করলে নাকি ভালো হয় ; তাইতো আমার এখানে এসেছে,নইলে ওদের কিসের দুঃখ,বলে, গোয়াল-ভরা গাই, গোলা-ভরা ধান, গা-ভরা গয়না।— তা এখন চল্লুম ভাই,আজ আবার ক' দিগের পর বুঝি পূর্ণিমে ছেড়ে যাবে, তার আগে নাইয়ে নিয়ে আসিগে,চল দিদি, চল, নাইবার জোগাড় দেখিগে।

[একদিকে মালী ও মালিনী আর

অন্যদিকে মুকুলিকা ও বল্লরীকার প্রস্থান

ধূপের ধোঁয়ায়

[সাজিতে ফুল নিয়ে জনকয়েক তরুণীর প্রবেশ]

প্রথমা ॥ চল্ ভাই, এইবেলা পূজো দিয়ে আসি !এখনি
ভিড় হ'য়ে পড়বে ।

দ্বিতীয়া ॥ পুরুৎ এসেচে ?

তৃতীয়া ॥ এ পূজোয় আবার পুরুৎ কি ?.....আমরাই পুরুৎ !

সকলে ॥ (গান)

আমায়, অশোক ফুলের রূপটি দাও !

মদন ! সদয় নেত্রে চাও !

মল্লিকারি মনোহরণ

মস্ত শিখাও, কিশোর-শরণ !

নীলোৎপলের কাজল দিয়ে দৃষ্টি ছাও !

আমের মুকুল আকুল আশা

সফল কর ভালোবাসা

অরুণ অরবিন্দ হিয়ায় রস ঘনাও !

মদন ! সদয়-নেত্রে চাও !

[মন্দিরের দিকে গমন]

[একদিকে মুকুলিকা, বল্লরীকা আর অশ্রুদিকে নিপুণিকা

ও তরঙ্গিকার প্রবেশ]

বল্লরীকা ॥ এই যে, লোক আস্তে স্তব্ধ হয়েছে ।

ধূপের ধোঁয়ায়

নিপুণিকা ॥ ওলো, এর গায়ে দে, এর গায়ে দে,

মুকুলিকা ॥ আরে না, না, আমার না.....ছিঃ.....দিলে ?
নেহাৎ দিলে.....দাও.....আল্কাৎরা-টাৎরা দিয়োনা
কিন্তু.....

সকলে ॥

(গান)

যদি, নেহাৎ দেবে তবে না হয় বরং
দাও আবীর চুলে গায়ে বাসন্তী রং ।
যদি ফাগুন লাগে
(প্রাণে ফাগুন লাগে)
তবে রঙীন ফাগে
সবে, রাঙাও সখী ! প্রাণে বাজাও সারং !

মুকুলিকা ॥ আরে বাস্ বাস্,হয়েছে.....হয়েছে.....সব রং
এখনি খরচ ক'রে ফেল্লে যে.....

তরঙ্গিকা ॥ রঙের অভাব কি ?.....রাজবাড়ীর দৌলতে কাজ্ লা
দীঘি আজ এতক্ষণ আবীরের ঠেলায় লালদীঘি হ'য়ে
উঠ্ ল.....

মুকুলিকা ॥ ঐ জাথো.....ওরা আবার কারা.....

[কপোতিকা ও সুপর্ণিকার প্রবেশ]

তরঙ্গিকা ॥ এমন দিনে ধব্ধবে কাপড় প'রে বেরিয়েছ ?.....
তোমাদের সাহস ত কম নয় ?.....তোমরা কে গা ?.....

ধূপের ধোঁয়ায়

কপোতিকা ॥ আমরা কপোত কপোতী.....

মুকুলিকা ॥ তোমরা বোবা পায়রা নাকি ?

কপোতিকা ॥ শুনবে—বকম্-বকম্ ?

(গান)

আমি তোরে খুব—খুব—

খুব ভালোবাসি লো বাসি !

দিয়ে তোরি রূপে ডুব,

অপরূপ স্বপনে ভাসি !

তনু হল ঘুম ঘুম,—

মনোভব-কুসুম,—

অনুভবে রুম্বুম্ অধরে হাসি !

[উভয়ের মন্দিরের দিকে প্রস্থান

নিপুণিকা ॥ ওরে, ওদের গায়ে রং দেওয়া হ'ল না ? চলে

গেল যে.....

তরুণিকা ॥ ওদের পর খারাপ হ'য়ে যাবে,.....যাক্ গে.....

নিপুণিকা ॥ আ-হা-হা-হা ফট্কা পায়রা ক'রে ছেড়ে দিতে হয় ;

.....বাঃ ! আবার কারা আসে রে.....

[কুসুমিকা ও ফুল্লরিকার প্রবেশ]

গলা-ধরাধরি ক'রে তোমরা আবার কেগো ?

কুসুমিকা ॥ আমরা একবৃন্তে দুটি ফুল.....

(গান)

আমরা ছ'টি স্বর্গ লুটে মর্ত ভরেছি !
অনুরাগের পরাগ পরিবর্ত করেছি !
ফুটেছি এক বৃন্ত 'পরি,
বিভোল্ বাতাস উদাস্ করি,
পরিমলের আমরা পরী মূর্তি ধরেছি !
পরস্পরে পরশ করি'
পরশ-মণির ক্ষোভ পাশরি,
জীবন-মরণ প্রেমের সাধন মর্ত করেছি !

নিপুণিকা ॥ ওরে এদের ছাড়িস্-নি.....দে, দে,রং দে.....
কুসুমিকা ॥ ফুলের গায়ে আর রং দিয়ে কি হবে.....আমরা
অম্মনিতেই রঙীন.....

[গাইতে গাইতে মন্দিরের দিকে প্রস্থান]

নিপুণিকা ॥ ওঃ ধূম লেগে গেছে.....আবার কারা আসছে.....
ওরে, মদনিকা মদন সেজেছে.....হাতে ফুলের ধনুক.....

[মদন-রতির বেশে মদনিকা ও আরাত্রিকার প্রবেশ]

তরঙ্গিকা ॥ মাথায় ফুলের মটুক.....তোমরা কে গা ?.....যেন
চেন চেন করছি..... তোমরা কে ভাই ?

ধূপের ধোঁয়ায়

মদনিকা ॥ যারা, কুসুম-শরে পাগল করে আমরা সেই
আরাত্রিকা ॥ মোদর, সকল কথা ব্যক্ত হবে সঙ্গীতেই....

উভয়ে ॥

(গান)

আমরা, কথা বলি শুধু বাঁশিতে !
করি কানাকানি মন-জানাজানি
মল্লিকা-ফুল-রাশিতে
অঙ্কুরে মোরা মুঞ্জরি,
নয়নে নয়নে গুঞ্জরি,
আমরা, নিখিল হিয়ায় হিন্দোলে ছলি
চির ভালোবাসা বাসিতে !
কুসুম ধনুর গুণ টেনে
মরণের বৃকে বাণ হেনে
জীবনেরি জয় লিখে দিই নিতি
চামেলি চাঁদের হাসিতে !

নিপুণিকা ॥ রং দে.....রং দে.....

মদনিকা ॥ সাবধান ...বাণ মার্ব !

তরঙ্গিকা ॥ মারো.....আজ বাণ খেতেই তো বেরিয়েছি ।

সকলে ॥ মারো বাণ, করো মানা, তা ব'লে কি রং দেব না ।

[হুড়োহুড়ি করতে করতে সকলের মন্দিরের দিকে প্রস্থান

[প্রজাপতির বেশে পতঙ্গিকার প্রবেশ]

পতঙ্গিকা ॥

(গান)

আমি, গোপনে এসেছি স্বপনে ভেসে !

পশেছি না জেনে ফুলেরি দেশে !

হেথা, চামেলি মালতী চাঁপারে দেখে

শেষে যে অশোকে গিয়েছি ঠেকে,

এঁকে গেছে বৃকে ছবি নিমেষে,

কেমনে রহি রে ভালো না বেসে !

নীরবে হুয়েছি ছুঁয়েছি চুপে

ডুবেছি ডুবেছি ডুবেছি রূপে

ডুবে ভেসে গেছি সুরেরি রেশে

প্রাণেরি গানেরি তানেরি শেষে !

[মন্দিরের দিকে প্রস্থান]

[মদনিকা, আরাজিকা, নিপুণিকা প্রভৃতির পুনঃপ্রবেশ]

নিপুণিকা ॥ ওরে এইবারে দে রংওর পাকাটির বাণ ফুরিয়ে

গেছে, তুণ খালি—

তরঙ্গিকা ॥ বাণ মেরে ভারি উস্তম্-ফুস্তম্ করা হয়েছে, না—

রোসো—এই যে—এই যে—

ধূপের ধোঁয়ায়

সকলে ॥

(গান)

ও যে, সকল হিয়া বেঁধে কুসুম-শরে—

ওরে, সবাই মারো সই কাঁকন-করে ।

ওর আবীর লোহ

ওর রঙীন মোহ

মুহু পড়ুক ঝ'রে ঝ'রে ভুবন 'পরে ।

[সকলের প্রস্থান]

[শ্রুতকীর্তি ও নকুলিকার প্রবেশ]

শ্রুতকীর্তি ॥ আর বছর এই বসন্তোৎসবের দিনে, আকস্মিক
আনন্দে, দিনের বেলাতেই অকাল-জ্যোৎস্নার ব্রত করেছিলুম
.....তিমিধ্বজের পৌত্র নক্ৰধ্বজকে পরাস্ত ক'রে সেদিন
ওরা হঠাৎ নগরে ফিরল.....ফেরবার কোনো সম্ভাবনা
ছিল না.....আর এবার.....

নকুলিকা ॥ এবার সবাই মিলে অকাল বাদলের ব্রত করছি.....
হঠাৎ সব অন্ধকার হ'য়ে গেছে !উৎসবটা একেবারে
অপৌরুষেয় হ'য়ে উঠেছে.....পুরুষের নাম-গন্ধ নেই ;
অর্দেক সম্রাটের সঙ্গে তপোবনে.....অর্দেক কুমারদের
সঙ্গে নিরুদ্দেশ !.....একলা মেয়েরাই এবার এক হাতে
উৎসবের তালি বাজাবার চেষ্টায় আছে । ...ভালো কথা

শবরী অনেকক্ষণ দাঁড়িয়ে আছে.....ওর হরিণ কি রাখা হবে ?

শ্রুতকীর্তি ॥ না, না, ও হরিণ ফিরিয়ে দে,ও আমার চাই-
নে,ওর শিং নেই, কোনো বাহারই নেই.....

নকুলিকা ॥ মেয়ে-হরিণ আনতে বলা হয়েছিল যে, মেয়ে-হরিণের
শিং হয় বুঝি !ময়ূরটা ? রাখব ?

শ্রুতকীর্তি ॥ না, না, ও পেখম ধরে না, জাড়া-বোঁচা,
বিশ্রী.....

নকুলিকা ॥ মেয়ে-ময়ূর বুঝি পেখম ধরে ?.....কোকিলটা ?.....
ওটা থাককি বল ?

শ্রুতকীর্তি ॥ তুই যে বলছিস্ ও ডাকবে না,না ডাকে তো
পুষে কি হবে ?

নকুলিকা ॥ মেয়ে-কোকিল কোনো পুরুষেও ডাকবে না ! কেবল
ক্যার ক্যার করবে, কুহুধ্বনি ভুলেও করবে না ।

শ্রুতকীর্তি ॥ তা তো আগে বলিস্-নি ।

নকুলিকা ॥ তুমি যে কোনো পুরুষ জানোয়ার পুষবে না.....
তা' ব'লে কি করব ?

শ্রুতকীর্তি ॥ যাক্গে,আচ্ছা তুই যে কি আনতে দিয়েছিলি
.....এনেছে ?

নকুলিকা ॥ হ্যাঁ এনেছে । একটি মেয়ে-গরু আনতে দিয়েছিলুম,
তা এনেছে,তোমার মেয়ে-ময়ূর পেখম ধরবে না, মেয়ে-

ধূপের ধোঁয়ায়

কোকিল গান করতে পারবে না, কিন্তু আমার মেয়ে-গরু
দিব্যা দুধ দেবে।

শ্রুতকীৰ্ত্তি ॥ যা তুই ! (নেপথ্যের দিকে চেয়ে) ছি, ছি, ওদিকের
গাছগুলো কেটে বাগানটা বড় বিশ্রী দেখতে হয়েছে !

নকুলিকা ॥ তা' কি করবে বল !ব্যাকরণে গাছকে যে পুরুষ
বলেছে ;

শ্রুতকীৰ্ত্তি ॥ তুই যা' . . . আর জ্বালাস্-নে !

নেপথ্যে ॥ (গান)

নীল সিদ্ধুর সিত পঙ্কজিনী !

জয় ! জয় ! জয় দেবী ! আক্ৰোজিনি !

নকুলিকা ॥ ঐ দেখ তোমার মনের মতন মিছিল বেরিয়েছে,
যবনীরা ওদের মেয়ে-কন্দর্পকে নৌকায় নিয়ে গান গাইতে
গাইতে আসছে।.....ঐয়ে নৌকাখানার ঢাকনি প্রকাণ্ড
ঝিল্লকের মতন একবার ফাঁক হচ্ছে আর একবার বন্ধ হ'য়ে
যাচ্ছে ; ঐয়ে মেয়ে-কন্দর্প নৌকোর ভিতরে অঙ্গ ঢেলে আরাম
করছেন।

শ্রুতকীৰ্ত্তি ॥ আর মেয়ে-কন্দর্পে কাজ নেই,.....চল, আনাদের
চিরকেলে কন্দর্পকে ফুল দিয়ে আসি।

নকুলিকা ॥ দর্প তা হ'লে টিকল না !

[প্রস্থান

ধূপের ধোঁয়ায়

[ঝিলে নোকোয় গুণ টান্তে টান্তে যবনীদের প্রবেশ]

যবনীর দল ॥

(গান)

নীল সিঁদুর সিত পঙ্কজিনী !
জয় ! জয় ! জয় দেবী আফ্রোজিনী !
শুক্লির অঙ্কে সুপ্তিহরা !
তৃপ্তির গর্ভে তৃষ্ণা-ভরা !
যৌবন-ধাত্রী গো গৌরবিনী !
ক্ষুধার যাত্রিনী আফ্রোজিনী !
দেবরাজ-পুত্রিকা মূর্ত্তশ্রীতি !
সুন্দরী ! গুণতারা ! আফ্রোদিতি !
চির-প্রেমপাত্রী গো সাম্রোহিনী !
মনোভব-মাতৃকা ! আফ্রোজিনী !

[প্রস্থান

[অন্ধ নোকায় করেকজন তরুণীর প্রবেশ]

প্রথম ॥ এগিয়ে গেল.....দাসীদের নোকো এগিয়ে গেল !.....

আম্পর্ক !জোরে বাও জোরে বাও !

দ্বিতীয় ॥ আজ উৎসবের দিনকন্দর্পের দরবারে সবাই
সমান যাক্গে এগিয়ে অভিজাত্যের দর্প আজ

ধূপের ধোঁয়ায়

কয়তে নেই ..চল না, দিবি আস্তে আস্তে গাইতে গাইতে
.....বাইতে বাইতে যাওয়া যাবে,.....আমোদ নিয়ে কথা !

সকলে ॥

(গান)

যদি কুসুম শরে হৃদয় বেঁধে
তবে কেঁদনা,
ও যে, ফুলের সুখ-পরশ মাঝে
মুহূ বেদনা !
ও যে, দিনের দাহে কুঞ্জ-ছায়ে
স্বপ্ন আনে বিভোল বায়ে
স্বুমে'র শেষে আলোর দেশে
আধ-চেতনা !

[বাইতে বাইতে প্রস্থান

[কয়েকজন তরুণীর প্রবেশ]

প্রথম ॥ এই, আজ দোল খেতে হবে.....দোল খেতে হবে
(দোলায় উঠে).....একটু ছলিয়ে দে না ভাই
আমি আবার তোর বেলায় দেব'খুনি ; নে, না ।

দ্বিতীয়া ॥ আচ্ছা, নে, গান ধর

(গান)

ঝুলিয়ে দোলা ছলিয়ে দে !
ছনিয়াতে আজ নতুন হাওয়া

ছলিয়েছে মন ভুলিয়েছে !
 শাখায় শাখায় আমার মুকুল,
 পারুল, চাঁপা, অশোক, বকুল—
 ছলছে দোতুল আকুল হাওয়ায়
 ভোম্‌রা ফেরে পায় সেধে !

(আজ) কোকিল ডাকে নতুন স্বরে,
 নতুন ফোটে নতুন ঝরে,
 নতুন ছবি অঁাখির 'পরে
 জাগল মোহন ফাঁদ ফেঁদে !

[প্রস্থান

[নকুলিকা ও শ্রুতকীর্তির পুনঃপ্রবেশ]

নকুলিকা ॥ (একহাতে তালি দেওয়ার ভঙ্গী ক'রে) বাঃ !
 বাঃ ! বাঃ !

শ্রুতকীর্তি ॥ নকুলিকা ! ও আবার কি ? তোর কি সবই
 অদ্ভুত ?

নকুলিকা ॥ একহাতে তালি দিয়ে একটু নতুন রকম ফুর্তির
 চেষ্টায় আছি !

শ্রুতকীর্তি ॥ তা কখনো হয় ?.....সব বিটকেল.....

নকুলিকা ॥ আজ কিন্তু দেখছি সবাই ঐ চেষ্টাই করছে !.....
 এরা দেখেও শিখছে না.....ঠেকেও শিখছে না.....আমি

ধূপের ধোঁয়ায়

এই ঠেকে শিখলুম.....দেখলুম একহাতে তালি-বাজানো
সুবিধে হয় না।

(গান)

তালি বাজ্‌ল না সই, এক হাতে কই বাজ্‌ল না !

নাচ্‌তে গেলাম এক পায়ে, তাও সাজ্‌ল না !

শ্রুতকীর্তি ॥ তুই বড় বাড়িয়েছিস্‌ ।

নকুলিকা ॥ (সুরে)

বল্‌ছে সবাই বাড়াবাড়ি

শুক-শারীতে আড়াআড়ি,

তেল ঢেলে আর ফল কি, বলো, রাধাই যখন নাচ্‌ল না ।

[প্রস্থান

দ্বিতীয় দৃশ্য

[হাওয়া-মঞ্জিল, সময় অপরাহ্ন, অন্তরমনস্কভাবে উর্শ্বিলার প্রবেশ ।]

নেপথ্যে ॥ (গান)

বইল না রে জীবন

এ আর বইল না !

যারি পরে ভরসা

শেষে সেই দেখি ভর সইল না !

ধূপের ধোঁয়ায়

না দেখি আর কূল পাথারে

শক্তি যে নাই সাঁতারে,

ভেরে এল অঙ্গ

ভরা ডুবল বুঝি রইল না !

উশ্বীলা ॥ বিহঙ্গিকা ! বিহঙ্গিকা !.....এ সঙ্গীত তুই কোথায়
পেলি . . . আমার কুণ্ঠিত অন্তরের অক্ষুট হাহাকার স্রবের
ইন্দ্রজালে কি ক'রে ফুটিয়ে তুললি ! বিহঙ্গিকা !.....কই
বিহঙ্গিকা তো এখানে নেই !.....কে গাইলে ?.....বেলা
প'ড়ে আসছে.....পড়ন্ত রোদ্দুরে ঝরা বকুলগুলো শুকিয়ে
কুঁকড়ে যাচ্ছে,.....আমার মনের ভিতরটাও অমনি শুকিয়ে
যাচ্ছে.....ঠিক অমনি কুঁকড়ে যাচ্ছে.. . .হতাশের হাওয়া
বইছে.....আর যে পারছি না, আর যে সহিছে না.....
কি কল্লুম,কি হ'ল ; বিধাতা !.....বে দুর্বল.....
তার পায়ে পায়ে অপরাধ.....পদে পদে আতঙ্ক.....সে
কেবল কাঁদতেই জন্মেছে !

(চোক ঢেকে নীরবে ক্রন্দন)

[সীতার প্রবেশ]

সীতা ॥ উশ্বীলা !.....ছি বোন্.....শুধু শুধু চোখের জল ফেলতে
নেই.....ওতে অমঙ্গলকে ডেকে আনা হয় ।.....দুর্দিন
আসবার আগেই তুই যে আতঙ্কে শুকিয়ে যেতে বসেছিল,

ধূপের ধোঁয়ায়

..... কপালে দীর্ঘ বিচ্ছেদ থাকে.....তা কি তুই চোখের
জল দিয়ে রদ করতে পারবি ?

উর্শ্বিলা ॥ না দিদি, আমি তো কাঁদিনি.....কে গান গাইছিল,
... সেই গান শুনে, মনটা কেমন যেন উদাস হ'য়ে গেল ;
... গানের সুর শুনলে আমার প্রাণের ভিতরটা কেমন
আকুলি-বিকুলি করতে থাকে.....চোপ্ ছল্-ছলিয়ে আসে
.....ও কিছু নয় !

সীতা ॥ আমাকে তোলাস্ নি, বোন্,..... ধূমকেতুর ধোঁয়ায়
এখনো তোর মনটা বোলাটে হ'য়ে রয়েছে ! প্রাণের ভিতর
যার কারার মেঘ পম্থমিয়ে আছে, গানের হাওয়ায় তারি
বাদলা নামে। সহজ হ'য়ে নে..... সহজ হ'য়ে নে ;.....
গ্রহ-তারার ফলের সূচক মাত্র..... ধূমকেতু বলছে তোমার
আমার চলবার পথে বিস্তর বিশ্ব আছে !.....কিন্তু সেট
বিপদে যে ডুব্ব তা কে বললে ?.....ধূমকেতু ব'লে গেল,
বজ্রা আসবে, বাঁধের মাটি আলগা, সাবধান ! এমন
অবস্থায়, লোক বাঁধের গোড়ায় নতুন ক'রে মাটি ছায়,
না চোখের জল ঢেলে বজ্রার আগেই বাঁধ ধ্বসিয়ে ছায় ?
.....কি করে ?.....বল্ দেখি !

উর্শ্বিলা ॥ যার বাঁধ দেবার শক্তি আছে সে বাঁধ ছায়, যার নেই
সে কাঁদতেই বসে।

সীতা ॥ তোর শক্তি নেই কি ক'রে জান্দি ?

উর্শ্বিলা ॥ নিজের শক্তি নিজে জানিনে ?

সীতা ॥ না, জানিস্নে,তুই কেন,.....কেউ জানে'না,.....
ঘাড়ে বোঝা না চাপ্লে ঘাড়ের যে কতটা জোর তা পরীক্ষা
হয় না ;বিপদ ঘাড়ে এসে পড়্লে মানুষ অসাধ্য সাধন
করে ;... . মানুষের শক্তির সীমা নেই ।

[দাসীর প্রবেশ]

দাসী ॥ ছোটো কত্ৰী আপনাদের কাছে নিবেদন করছেন,.....
কামরূপ থেকে একজন ভাণমতী এসেছে ।

সীতা ॥ কোথায় ?

দাসী ॥ এই মেয়ে-মহলের অঙ্গনে ।

সীতা ॥ চল্ উর্শ্বিলা ভাণমতীর খেলা দেখিগে ।

উর্শ্বিলা ॥ চ—লো ।

[প্রস্থান]

তৃতীয় দৃশ্য

[মেয়ে-মহলের অঙ্গন । দূরে দস্তুর প্রাচীর ; চারিদিকে বেলে-
পাথরের ঘর ; সোনাব জাল-অঁটা ঝরোকা ; নাগদস্তুর ভরুনাগ জালির
বারাণ্ডা । সখীর দল ; সিংহ-পীঠিকায় মাণ্ডবী, শ্রুতকীর্তি ; পাদপীঠিকায়
বিহঙ্গিকা, কুরঙ্গিকা ; মাটিতে ভাণমতী । ভাণমতীর উবু ঝোঁপা, পরনে
নীলাশ্বরী, গাছ-কোমর করে বাঁধা । এক হাতে আস্ত শাঁখের শাঁখা,

ধূপের ধোঁয়ায়

এক হাতে একটা গাছের শিকড় কঙ্কণের আকারে জড়ানো। এক
কাণে কড়ি, আর-এক কাণে আধ-কপালে সুপারি। হাতে ময়ূরপুচ্ছের
চামর। সামনে একটা আধ-খোলা বেতের কাঁপি। একটা শূণ্য খাঁচা
ও একটা রঙীন হাঁড়ি।]

ভাগমতী ॥ লাগ্ ভেল্‌কী লাগ্, জলে জ্বালাই আগ্, লাগ্ ভেল্‌কি
লাগ্! লাগ্ লাগ্ লাগ্!

(গান)

আস্‌মানে শিকলি লটকিয়ে দোল খাই,
গাছ রুয়ে সাঁজো ফল ফলাই,
শুনো পিঁজরাতে পাপিয়া ময়নায়
সির্‌জিয়ে হরেক বোল্‌ বলাই !

মাগুবী ॥ বটে ! তবে তো খুব গুণিন্‌ দেখ্‌ছি !.... আর কিছু
দেখাতে পারো ?

ভাগমতী ॥

(গান)

কেউটিয়া গোখরো মুখ থেকে নিকলাই,
ইসারায় হয় মোর ফুল বিষ্টি !
নখের আয়নাতে ছনিয়াটা উজ্‌লাই,
মস্তুরে তারা চাঁদ ছিষ্টি !

মাণ্ডবী ॥ তুমি নথ-দর্পণ জানো ?

ভাণমতী ॥ জানি কিছু-মিছু !

শ্রুতকীর্তি ॥ আচ্ছা দেখাও ।

[একদিক দিয়ে সীতা, উর্ষ্বীলা ও অত্মদিক দিয়ে
নকুলিকার প্রবেশ]

মাণ্ডবী ॥ এই যে, দিদি,.....এস,.....এখানে নথ-দর্পণ হচ্ছে ।

সীতা ॥ (বসতে বসতে) ভাণমতীকে ডাকলে কে ? শ্রুতি
বুঝি ? মেয়েদের সব কেরামতি এক দিনেই দেখে ফেলতে
হয় বুঝি ?

মাণ্ডবী ॥ না কেউ ডাকায়-নি,.....আপনি জুটেছে !

ভাণমতী ॥ তিন তুড়ি তিন ফুঁক !
 দিই কুক্ কাঁপে বুক
 ধুকপুক.....ধুকপুক !
 ঝক্ ঝক্ করে নথ !
 এই ছাখ্ কার মুখ !

নকুলিকা ॥ দেখি ! দেখি ! বাঃ আশ্চর্য্য !.....যুবরাজ রামচন্দ্র !

ভাণমতী ॥ দিই ফুঁক কাঁপে বুক !
 ঝক্ ঝক্ করে নথ !
 চেয়ে ছাখ্ কার মুখ !

ধূপের ধোঁয়ায়

সীতা ॥ আশ্চর্য্য.....দেবর লক্ষণ !.....বাঃ, চোখ না পাল্টাতেই
বদলে গেল ! বাঃ.....এ কে ?.....বাঃ—এ যে দেবর
ভরত !

উন্মিল্লা । আবার বদলাচ্ছে.....এবার শ্রুতি ভালো ক'রে
ছাথ্.....কে !

মাণ্ডবী ॥ এ বর.....শ্রুতকীর্তির !

সখীর দল ॥ ছাথোগা !.....হ্যাঁগা.....ওগো.....অ ভাগমতী !
.....বলি থামো না,.....সবাই মিলে.....ওগো !

মাণ্ডবী ॥ আহা সবাই মিলে কি কলরব হচ্ছে ?.....আচ্ছা
ভাগমতী, নখদর্পণে ঝাঁদের ছাথালে, তাঁরা এখন.....এই
মুহূর্ত্তে কোথায় আছেন, কি করছেন, তা তোমার বিছার
বলে ছাথাতে পারো ?

ভাগমতী ॥ (হেসে) পারি কিছু কিছু !আয়, আয় চলে
আয়, কে যায়, কে যায় ? পূবদিকে কে যায় ?... ..
ঐরাবতে ইন্দির যায়... ..হাজার চক্ষে কটমট্ চায়, চোখে
দেখিস্, না, নখে দেখিস্ ?.....নখেও দেখি, চোখেও
দেখি !.....ঠিক বল্ছিন্ তো ?.....হাঁ গুরু হাঁ,.....ঠিক
বল্ছি,.....হাঁ তাই বল্,আর, না দেখিস্ তো চশ্মা
নে,.....মনের ছবি আস্‌মানে !.....ইন্দির যায় ! ইন্দির
যায় ! পূবদিকে আর কে যায় ?.....বঙ্গ মগধের রাজা
যায়.....

ধূপের ধোঁয়ায়

“মাথাতে যার বরুণছত্র, সমুদ্র যার সেনা ।

বীণাঙ্ক যার ঝাঙা নিশান, কড়ির লেনা দেনা ॥”

সকলে ॥ চমৎকার ! চমৎকার !

ভাণমতী ॥ নাঃ পূবদিকে নেই ! পশ্চিম দিকে কে যায় ? মকর-
বাহন বরুণ যায় ! অথই জলে দিক ভোলায় ! সাঁতার
জলে ফুল ছড়ায় ! পাথার জলে জাল জড়ায় । আর কে
যায়.....সিন্ধু-সুরাটের রাজা যায়,

ঘোড়ায় চড়ে হেলার ভরে,

সিংহ হাতী শিকার করে ।

শূলের আগায় হুনের মাথা

শকের সকল দর্প হরে ॥

চোখে দেখছি না নখে দেখছি ?.....নথের কল্যাণে
চোখেই দেখছি !

সকলে ॥ আশ্চর্য্য ! আশ্চর্য্য !

ভাণমতী ॥ নাঃ এদিকেও নেই !... ..দক্ষিণদিকে কে যায় ?.....
মহিষবাহন যম যায় ! যমের ভাই নিয়ম যায়.....খমদুতেরা
চোখ পাকায় !.....আর কে যায়, লঙ্কার রাজা রাবণ
যায়.....

“বড়বা-মুখ যজ্ঞকুণ্ডে

শত্রুমুণ্ড দ্বায় আহতি ।

খুপের ধোঁয়ায়

দশটা মাথা, বিশটা ফন্দী,

লাথের উপর নাতি পুতি ॥”

সকলে ॥ এই রাবণ !.....ভয়ঙ্কর মূর্তি !কি ভীষণ !

ভাণমতী ॥ নাঃ এদিকেও নেই !..... বাকী আছে উত্তর,.....

উত্তর দাও উত্তর দিক ! যা’ দেখাবে ঠিক ঠিক ! উত্তর
দিকে কে যায় ?মানুষের কাঁধে কুবের যায়, সোনার
গুঁড়ো উড়িয়ে যায় !... ..সোনার কুম্ভো গড়িয়ে যায় !

“.....অর কে যায়, সিদ্ধপুরের রাজা যায়,.....

“সোনাপোকাকার পেট টিপে যে

বার ক’রে ছায় সোনা ।

ধ্বজাতে যার সপ্তচামর

হাওয়ায় আনাগোনা ॥”

নাঃ এদিকেও নেই !

সকলে ॥ (সভয়ে) সে কি !.....

মাণ্ডবী ॥ সে কি ?.....কোথাও নেই কি ? ভালো ক’রে তাক

.....ভালো ক’রে তাক !

অণুমতী ॥ নখেও দেখ্‌লুম, চোখেও দেখ্‌লুম, লোকেও দেখ্‌লে,

আমিও দেখ্‌লুম, সিদ্ধপুরে নেই, যম-কোটিতে নেই, লঙ্কায়
নেই, কোথাও নেই !.....বায়ুকোণে বায়ু বল্লেন ওড়াই-
নি,.... ..অগ্নিকোণে অগ্নি বল্লেন পোড়াইনি ; ঈশানের
জট খালি, নৈঋতের কোল খালি !

শ্রুতকীর্তি ॥ কী বক্ছভালো ক'রে ছাথ—

ভাণমতী ॥ ফের তুড়ি ফের ফুঁক !

ধুকপুক—ধুকপুক ॥

নয়, তিন, তিন এক ।

দূরে নেই কাছে ছাথ্ ॥

পায়ের তলায় চাতাল দেখি, চাতালের তলে পাতাল দেখি !

পাতালে দেখি বাসুকি ।

সুধার ভাণ্ড কোলে ক'রে

নাগ বাসুকী অসুখী ॥

হাজার মাথা নেড়ে বলছেন, হেথায় নেই, হেথায় নেই,
হেথায় নেই !.....তবে কোথায় ?

নয়ে তিন তিনে এক,

মাথার উপর চেয়ে ছাথ্ ;

মাথার উপর কি দেখি ? অরুণ-রথে সূর্য্যিকে দেখি ।—

সূর্য্যি মামা, সূর্য্যি মামা, মাথা খাও ! সূর্য্যি বংশের চুড়ো
দেখাও !

সূর্য্যি বলেন ইশারায়,

ইশারায় দিশা পাই !

কি দেখিরে কি দেখি,

সূর্য্যি-বংশের চার চুড়ো চার ভাইকে দেখি !

—সরযূর ভীরে সঁঝাইকে দেখি,—কিন্তু—

ধূপের ধোঁয়ায়

চার জনকেই ঘেরাও ক'রে,
দিচ্ছে হাঁকার বুনোর দল !
কোশল রাজ্য উঠছে কৈপে,
এমনি বিষম কোলাহল ।

মাণ্ডবী ॥ ভাণমতী ! এ তোমার কী ভাণ ?

ভাণমতী ॥ (নিজের মনে) চোখে দেখিস্ ?.....না নখে দেখিস্ ?
.....গুরুর দয়ার চোখেও দেখি, নখেও দেখি,.....ঠিক
দেখ্‌ছিস্ ? হাঁ গুরু—হাঁ ! গুরু বলছেন, না দেখিস্ তো
চন্মা নে.....মনের ছবি আস্‌মানে ।

শ্রুতকীর্তি ॥ একে ছেড়ে না !.....নকুলিকা !.....যবনী শাস্ত্রীকে
ডাক্‌,.....এ বোধ হয়.....বুনোদের চর,.....শকুর চর,
আমি আস্‌ছি.....ছেড়ে না !.....

ভাণমতী ॥ (অটুহাস্য) হাঃ—হাঃ—হাঃ—হাঃ—হাঃ—হাঃ !

[হাসির ধমকে সকলে চোখে অন্ধকার দেখতে লাগল ;
সমস্ত গোলমাল হ'য়ে গেল, এই সুযোগে ভাণমতীর
প্রস্থান ।

চতুর্থ দৃশ্য

[প্রাসাদ শিখর ; শতব্রী-সজ্জিত প্রহরা-গুম্বজ ; চুড়ায় চুড়ায় সোনার কলস । শবরীর দেওয়া পায়রা বৃকেব ভিতর ক'রে নিয়ে শ্রুতকীর্তির প্রবেশ ।]

শ্রুতকীর্তি ॥ হাজার হাজার পাহাড়ী নগরের দিকে আসছে,.....
 সরসুর জল তোলপাড় ক'রে আসছে,.....কী সর্বনাশ !
নগরে সৈন্ত নেই,.....সেনাপতি যুবরাজদের সঙ্গে,
কী করব ?.....মন্ত্রী-পরিষদে খবর দেব ? তারা
 কি খবর পায়-নি ?.....চরেরা খবর ছায়-নি ?.....
 কী করব ?.....সর্বনাশ হ'ল ! দুর্গ-রক্ষার কোনো
 আয়োজন নেই, .. .কোনো বন্দোবস্ত নেই,.....যবনী-
 শাস্ত্রীদের খবর দেব ? দুর্গে চার-পাঁচ শো মেয়ে আছে
তাদের সবাইকে হাতিয়ার দেব ?.....দুর্গের দরজা
 বন্ধ ক'রে লড়াই করব ?.....কিন্তু এঁদের চার ভাইকে
 যে পাহাড়ীরা ঘেরাও করেছে ! হয়তো বন্দী করেছে ;
যুদ্ধ করলে এঁদের যদি অনিষ্ট করে ? বর্বরগুলো
 যদি প্রাণের হানি ঘটায় ?.....কী করব ?.....আর
 ভাবতে পারি-নে.....ভাববার সময় নেই.....আংটি বেধে
 পায়রাটাকে ছেড়ে দিই !.....পায়রা ঠিক পৌছোবে তো !

ধূপের ধোঁয়ায়

পায়রা পরখ ক'রে নিই-নি,..... শবরী ঠকায়-নি তো ?
.....ভাববার সময় নেই.....

(পায়রা উড়িয়ে দিলেন)

বাচ্ছে.....যাচ্ছে.....ঐদিকেই যাচ্ছে !

(ব্যগ্রভাবে পায়রার গতি নিরীক্ষণ)

[নকুলিকার প্রবেশ]

নকুলিকা ॥ বাঃ ! সাবাস !.....পায়রা পাঠানো হচ্ছে ?.....
এই বুঝি প্রতিজ্ঞা ?

শ্রুতকীর্তি ॥ থাম্ তুই নকুলিকা !.....বিপদের সময় বিজ্ঞপ ভালো
লাগে না।

নকুলিকা ॥ বিপদ !.....কিসের বিপদ !

শ্রুতকীর্তি ॥ দেখ্ ছিস্-নে ?.....পদ্মপালের মতন আস্ছে,.....
নগর অরক্ষিত,.....দেখ্ ছিস্-নে ?

নকুলিকা ॥ তুমি পাগল !.....সে ভাব্ না তোমার কেন ? বারা
রাজ্যের কর্ণধার, তারা কি ভাব্ছ, সত্যিই জ্বীলোকের
হাতে দুর্গ সঁপে নিশ্চিত আছে ?.....কঞ্চকের জায়গায়
কঞ্চলিকা বাহাল করেছে ?.....তুমি ভুল বুঝেছ ;.....
রজ্জুতে তোমার সর্পভ্রম হয়েছে ;.....পাহাড়ীরা দুর্গ লুণ্ঠ
করতে আস্ছে না,.....তুবার-প্রাবনে গরীবদের সর্বস্ব গেছে
.....তাই আশ্রয়ের তিথারী হ'য়ে ওরা দিগ্বিদিকে বেরিয়ে

ধূপের ধোঁয়ায়

পড়েছে, .. পথে যুবরাজদের সঙ্গে হঠাৎ দেখা,... তাঁদের কাছে হুঃখ জানাতে,.....আশ্রয় দেবেন বলে আশ্বাস দিয়ে, তাঁরাই ওদের সঙ্গে নিয়ে আসছেন। ঐ জাথো, সূর্য্যবংশের চার চুড়োর চারখানা রথের চুড়োতেই সগৌরবে নিশান উড়ছে।.....

শ্রুতকীর্তি ॥ তুই এত খবর কোথায় পেলি ?

নকুলিকা ॥ নগরের দরজায় পাহাড়ীর দঙ্গল দেখে পাছে নগরের লোক ভয় পায়, তাই তাদের আতঙ্ক নিবারণের জন্তে মন্ত্রী-পরিষদ এইমাত্র ঘোষণা দিয়ে জানিয়েছেন ;.....সেই খবরই তোমায় দিতে আসছিলাম ; আসতে আসতে দেখি, মাত্র চব্বিশ ঘণ্টার বিরহ-যন্ত্রণা সহিতে না পেরে.....কাব্যের নায়িকার মতন, সখী আমাদের কপোত-দূত প্রেরণে বাস্তব !

শ্রুতকীর্তি ॥ আমি কি পায়রা পাঠাতুম,.....ভাণমতীর ভড়ুঙে কথায় আর বর্করদের ভিড় দেখে মনে হ'ল,.....হয়তো ওরা বিপদে পড়েছে !.....তা ওরা সোজানুজি হুর্গে না এসে সরযুর তীরে কি করছে ?

নকুলিকা ॥ তোমরা না ডাকলে ওঁরা হুর্গে ফিরবেন না, বলে-ছিলেন, বোধ হয়, সেই প্রতিজ্ঞা পালন করছে।এইবার আসবেন.....তোমার কপোত-দূত পৌঁছেলেই আসবেন।

শ্রুতকীর্তি ॥ হার হ'ল নকুলিকা, আমাদেরি হার হ'ল !

বুপের ঘোঁসায়

নকুলিকা ॥ (হেসে) হারটাকে যদি জিৎ ব'লে প্রমাণ ক'রে
দিতে পারি ?.....কি উপহার দেবে ?

শ্রুতকীর্তি ॥ (মাগ্রহে) যা চাস্ !

নকুলিকা ॥ আচ্ছা, এই কথাতো ?.....তবে শোনো.....একে
একটু সব বলি, প্রথম কথা, তোমার পায়রা বে রাজকুমারের
কাছে ঠিক পৌছবে.....তা কি ক'রে তুমি জান্লে ?.....
শবরী যদি ঠকিয়ে থাকে ?

শ্রুতকীর্তি ॥ আমিও একটু আগে সে কথা ভাবছিলাম ।

নকুলিকা ॥ ভেবে কি ঠাওরালে ?

শ্রুতকীর্তি ॥ কিছু নাঃ ।

নকুলিকা ॥ পায়রা পৌছবে ।.....

শ্রুতকীর্তি ॥ বলিস্ কি ?.....তা হ'লে.....

নকুলিকা ॥ পৌছবে,.....তার কারণ, তুমি পায়রা বার কাছে
পাঠিয়েছ, শবরীর মারফতে পায়রাটি তিনিই পাঠিয়েছিলেন ।

.....ও চিঠি-বাজ পায়রা, ঠিক পৌছবে !.....আরও
শবর আছে, ভাণমতীও তাঁরই চর ।

শ্রুতকীর্তি ॥ সব বুঝেছি,..... তা হ'লে কোশলে আমাদের
প্রতিজ্ঞা ভঙ্গ করিয়েছে, ছলে হার মানিয়েছে !

নকুলিকা ॥ জবলা ব'লে তাচ্ছিল্য ক'রে বলপ্রকাশ করেনি,
কোশলে হার মানিয়েছে,.....তুমি এ পরাজয়কে পরাজয়
বলে গণ্য এ কর ?

শ্রুতকীর্তি ॥ না !

নকুলিকা ॥ (হাত পেতে) বক্শিস্ !.....প্রমাণ ক'রে দিয়েছি ।

... যা বলেছিলুম প্রমাণ ক'রে দিয়েছি ।

শ্রুতকীর্তি ॥ তুই সব জান্‌তিস্ ?

নকুলিকা ॥ না ঠিক জান্‌তুম না,.....খানিকটা আন্দাজ.....

খানিকটা জানা.....

শ্রুতকীর্তি ॥ অথচ আমায় বলিস্-নি,.....উপহার দেব তোমায় ?

উপহার দেব না গ্রহাণ দেব.....

[সীতা, উন্মিলা ও মাণ্ডবীর প্রবেশ]

সীতা ॥ শ্রুতি, খবর পেয়েছিস্ ?

শ্রুতকীর্তি ॥ পেয়েছি ।

মাণ্ডবী ॥ শুধু মন্ত্রী-পরিষদের ঘোষণা নয়, আরো খবর আছে.....

সীতা ॥ মহাদেবী স্মিত্রার কাছে এইমাত্র পত্র এসেছে.....

সম্রাট বশিষ্ঠাশ্রম থেকে নগরের দিকে যাত্রা ক'রেছেন,

.....আজই রাতে পৌঁছবেন ।

শ্রুতকীর্তি ॥ অ !

মাণ্ডবী ॥ অ !.....খবরটায় পেট ভরুল না,.....তবে জাখ্,.....

সম্রাটের চিঠি.....(চিঠি দিলেন).....এইখানটা পড়ে

জাখ্.....

ধূপের ধোঁয়ায়

শ্রুতকীর্তি ॥ (পাঠ) পরে মহর্ষি বলিলেন, যে, যে পাপের
বান্ধকি নিষাদকে অভিসম্পাৎ দিয়াছিলেন, তাবিয়া দেখি-
লাম, আমি কিয়ৎ পরিমাণে সেই পাপের ভাগী হইতে
বসিয়াছি। সময় থাকিতে সে পাপের প্রায়শ্চিত্তের
প্রয়োজন। অতএব শ্রীমান্ ও শ্রীমতী বধু-মাতাদের গ্রহ-
শান্তির জন্ত পূর্বে যে ব্যবস্থা দিয়াছিলাম, মদন-মহোৎসবের
রাত্রে তাহা রহিত করিতে চাই। বিরহ-দুঃখ উভয় পক্ষই
ইতিমধ্যে অল্পবিস্তর ভোগ করিয়াছেন। অলপ অস্তি-
বিস্তরেণ। ফল হইবার হয় উহাতেই হইবে। ইতি

মাণ্ডবী ॥ ওঃ ! একটা দিনের মধ্যেকত কাণ্ড, কত বিভ্রাট,
.....কী তুলস্কাম !... ..কিন্তু শ্রুতি ! .. তুই মাঝে থেকে
কি কাণ্ড করিল বল দেখি !

সীতা ॥ সে কথা আর তুলিস্-নি, বোন,...

উন্মিলা ॥ যেতে দাও.....যেতে দাও.....ছেলে মানুষ.....

নকুলিকা ॥ ও কিছু নয়,.....একে এই দারুণ গরম.....তার
ওপর নতুন বিরহ, .. তার ওপর ধূপের ধোঁয়া.....
একেবারে তেরস্পর্শ !.....এতে মাথাটা একটু বেঠিক
হবারই কথা। ঠিক থাকাই বিচিত্র।

সকলে ॥ ও কিছু নয়.....ও কিছু নয়.....

ধূপের ধোঁয়ায়

১৭

[নীচের তলায় শঙ্খ, ঝারি, চন্দন-মালা প্রভৃতি
নিম্নে সখীর দলের প্রবেশ]

সখীর দল ॥

(গান)

কিছু নয়, ধূপের ধোঁয়ায় হঠাৎ কেমন
মাথাটা গেছল ধ'রে !
মনে হয়, স্বপ্ন যেন চক্ষু মেলে
দেখেছি দিন ছ'পরে !
কলহ দম্পতীর এই, দোষ কিছু নেই,
সবারি ঘটে এমন,
বিরহ বিদ্রোহী হয়, জ্বলে হৃদয়,
গোপনে গলে নয়ন !
খেয়ালে দেয়াল তুলে মনের ভুলে
মিছে রই মুখ ফিরায়ে,
শেষে ঠিক মেঘ কেটে যায়, চাঁদ হেসে চায়
নীরবে মন ভিড়ায় !

ধূপের সোয়াস

শারীড়ক পুরুষ নারী দুই দৌহারি

আড়াআড়ি মোহের ঘোরে

হয়ে রয় হাসির কথা দ্বন্দ্ব-ব্যথা

চোখের জলে মুগ্ধা কোরে ॥

যবনিকা

